

Hauv Zos No 2015 Txoj Kevcai Tswj thiab Cov Kevcai Siv Rau Tswv Cuab

(Kho los ntawm Lub Koom Txoos Sib Tham thaum lub 1 Hlis Ntuj tim 23, 2024)

QHIA LUB HAUV PAUS UA NTEJ – Lo lus uas tau cog tseg peb lub hom phiaj thiab txoj kev coj

Lub hom phiaj thiab txoj kev coj:

SEIU Hauv Zos No 2015 yog California Cov Neeg Ua Haujlwm Tu Neeg Uas Tsis Taus Mus Ntev lub koomhaum uas yuav tso dim tag nhro lub zog koom tes ntawm cov neeg ua haujlwm tu neeg tsis taus, nrog rau lawv tsev neeg, thiab lawv lub zej zog, zawm khov kho lub hwj huam siv cov txuj ci tshiab, thiab tsim dag zog kom loj thiab dav los mus rhuav tshem cov kev tsis ncaj ncees es thiaj li hloov tau kom kav mus ntev kom muaj kev ncaj ncees rau sawv daws uas nyob koom zej koom zos.

NQE LUS I – Peb lub Koomhaum Hauv Zos No Lub Npe

Lub koomhaum no yuav muaj npe hu ua SEIU Hauv Zos No 2015 (“Hauv Zos No 2015”, “Koomhaum” lossis “Koomhaum Hauv Zos No”). Hauv Zos No 2015 muaj kev koom tes nrog, thiab yog ib pab pawg nyob qab tswj hwm ntawm, lub koomhaum Pab Cov Neeg Ua Haujlwm Thoob Plaws Ntiaj Teb (Service Employees International Union), CtW, CLC (“SEIU”).

NQE LUS II – Lub Hwj Huam Txiaiv Txim Tu Plaub Ntug

SEIU Hauv Zos No 2015 lub hwj huam txiaiv txim tu plaub ntug yog tso cai los ntawm peb lub Koomhaum Ntiaj Teb. SEIU Hauv Zos No 2015 muaj lub hwj huam txiaiv txim tu plaub ntug siv rau txoj kev sau sawv daws los mus koom tes thiab sawv cev rau tag nhro cov neeg ua haujlwm tu neeg tsis taus uas nyob rau hauv lub xeev California thiab lwm qhov chaw uas tau kev tso cai los ntawm lub Koomhaum Ntiaj Teb.

NQE LUS III – Lub Zeem Muag thiab Kev Sib Hwm Saib Rau Qhov Tseem Ceeb

A. Lub Zeem Muag:

SEIU Hauv Zos No 2015 yog ib lub koomhaum coj cov neeg ua haujlwm rau tiam 21 uas muaj ntau haiv neeg, ncaj ncees, thiab ua yam kom sawv daws nrog paub nrog pom, coj sawv daws mus raws tib lub zeem muag, tib txoj kev tau taub, tib txoj kev paub meej, thiab mus kom tau tus yees, thiaj li yuav loj hlob tau zoo nyob rau ib lub ntiaj teb uas hloov tas li. Lub dag zog los ntawm peb cov tswv cuab, los ntawm txoj kev tsim kev koom tes, thiab txais tos tswv yim tshiab thiab kev kawm, SEIU Hauv Zos No 2015 cov neeg ua haujlwm tu neeg yuav caum cuag txoj laj kam haujlwm zoo uas yuav khwv tau nyiaj txaus noj txaus haus, muaj nyiaj laus ruaj kho, muaj kev sib hwm, thiab muaj txoj cai sawv cev nrog ib lub koomhaum rau sawv daws. SEIU Hauv Zos No 2015 yuav muab tau txoj kev npau suav tshiab nyob rau lub teb chaws Meskas no rau sawv daws los ntawm saib xyuas kom txhua tus neeg laus thiab txhua tus neeg uas xiam tes taw xiam

oobkhab kom muaj neeg tu lawv zoo mus ntev, thiab tsim ruaj kho kom sawv daws hauv peb lub zej zog no tsuas muaj ua tau lub neej zoo xwb thiab suav tib si kom muaj ntaub ntawv kho mob thiab vaj tse pheej yig them taus, cov neeg zej zog kom nyob tau nyab xeeb lug, muaj kev kawm ntaub kawm ntawv, thiab muaj kev ncaj ncees rau txhua haiv neeg thiab huab cua ib puag ncig.

B. Kev Sib Hwm Saib Rau Qhov Tseem Ceeb thiab Cwj Pwm:

- **Kev Thawj Coj** tshwm ntsej tshwm muag thaum peb sau sawv daws los ua ke rau tib lub zeem muag, ua kom tau yam uas siab tawv, tsim kom tau lub hwj huam muaj zog rau txoj kev raug zoo nrog txhua hom neeg thiab tsim kom tau cov pab pawg uas muaj kev sib suav, sib koom rau siab ntso rau lub luag haujlwm kom caum cuag lub hom phiaj, cog lus ua kom tau txhua yam ncaj ncees nyob rau qhov uas sawv daws siv tau thiab raws li sawv daws txoj kev coj kev ntseeg, thiab thaum uas peb ua tau rau lwm tus muaj siab xav kawm ntxiv, xav npau suav kom loj tshaj, xav ua kom tau ntau dua thiab xav los mus ua kom tau ib tug uas loj tshaj qhov qub.
- **Muaj Lub Siab Hlub** tshwm sim tawm los thaum peb qhib chaw hauv peb lub siab thiab peb lub ntsws kom pom lwm tus txoj kev txom nyem thiab lwm tus txoj kev nyuaj siab thiab tsom pom ib txoj hau kev rau txhua yam los mus sib kho tau.
- **Txoj Kev Cob Lub Hwj Tsam** tshwm sim tawm los thaum txhua tus neeg ua haujlwm muab lub sijhawm los nrhiav tau lawv lub tsab peevxwm ua ib tug thawj coj thiab siv los mus coj lwm tus.
- **Paub Lub Luag Haujlwm** tshwm sim tawm los thaum peb rov qab tig los xav txhua hnuv txog ntawm peb tus kheej qhov peb tau ua thiab tau hais lawm, lees qhov yus tau ua tau hais, thiab paub txoj dej num uas los nrog yus tus lus, yus lub tswv yim thiab yus txoj kev ua.
- **Ua Yam Kom Sawv Daws Nrog Paub Nrog Pom** tshwm sim tawm los thaum peb saib xyuas khoo kom txhua txoj kev siv cev ncauj cev lus qhib lug tus hlob ti nkaus tus yau thiab tsa kom tau ib txoj kev ntseeg uas nyob ruaj kho thiab kav mus ib txhis ntawm peb cov tswv cuab thiab rau lawv lub koomhaum.
- **Ua Kom Tau Zoo Tshaj Plaws** tshwm sim tawm los thaum peb ua tau rau sawv daws pom hais tias txawm peb ua tau tshaj lij qhov twg thiab poob qhov twg los peb yeej kawm tau ib qho tshiab, nrhiav lub sijhawm los mus kawm txhua hnuv, thiab muaj lub siab xav sib zog tsoo tas li kom zoo dua qhov qub.

NQE LUS IV – Txoj Kev Los Mus ua Ib Tug Tswv Cuab

A. Txhab Txhais Txoj Kev Los Mus ua Ib Tug Tswv Cuab

1. Ua Ib Tug Tswv Cuab li Sawv Daws

Ib tug tswv cuab li sawv daws yog ib tug neeg uas ua haujlwm rau hauv chav sib khom uas lub koomhaum sawv cev ua tus los mus khom teeb meem hais txog nyiaj hli, pes tsawg teev thiab lwm cov ntsiab lus thiab seb txoj kev ua haujlwm yuav zoo li cas, tus neeg ua haujlwm tu neeg twg uas tseem niaj hnuv koom tes ua ke nrog ib pab pawg los mus nrhiav tas zog txoj hau kev tsa lub npe zoo rau SEIU Hauv Zos No 2015 uas yog tus los mus sawv cev khom lus rau sawv daws, ib tug tub ceev xwm uas nyob rau lub koomhaum lossis ib tug neeg ua haujlwm rau SEIU Hauv Zos No 2015 uas tsis sawv cev rau lwm lub koomhaum uas muaj tib lub hom phiaj los mus sib khom ua ke li no thiab; tub ceev xwm lossis neeg ua haujlwm rau SEIU Ntiaj Teb uas raug xaiv los mus ua ib tug tswv cuab los ntawm ib tug thawj coj ntawm pab Thawj Coj hauv SEIU Hauv Zos No 2015 thiab tus neeg twg uas them nqi. Txhua lo lus uas teev hais tias “tswv cuab” siv thoob plaws rau hauv Txoj Kevcai Tswj thiab Cov Kevcai Siv Rau Tswv Cuab, ces yeej yog hais txog tag nhro cov tswv cuab li sawv daws no tshwj tsis yog teev meej meej hais tias yog lwm tus.

2. Ua Ib Tug Tswv Cuab Uas Muaj Feem Cuam

Ua ib tug tswv cuab uas muaj feem cuam yeej qhib rau lwm tus neeg sab nrauv uas xav los mus txhawb lub hom phiaj kev coj, lub zeem muag thiab txoj kev hwm qhov tseem ceeb nyob rau hauv SEIU Hauv Zos No 2015, thiab tsis yog ib lub tuam txhab txais neeg ua haujlwm tu neeg uas tseem tab tom lossis tej zaum twb yeej muaj ib txoj kev raug zoo lawm nrog SEIU Hauv Zos No 2015 cov tswv cuab thiab cov neeg uas them nqi. Ua ib tug tswv cuab uas muaj feem cuam yeej tseem muaj tag nhro cov cai thiab tag nhro cov dej num raws li teev tseg rau ntawm Txoj Kevcai Tswj thiab Cov Kevcai Siv Rau Tswv Cuab no, tab sis mas lawv mus khiav tuav tsis tau ib txoj haujlwm ua tus thawj coj nyob rau hauv no, mus pov npav xaiv thawj coj rau lub koomhaum tsis tau lossis pov npav tsis tau lossis pov npav los mus xaiv kevcai lij choj li cas los tsis tau, lossis cuam phaj foob ib tug leej twg mus txog rau qhov uas muaj yeej muaj swb tsis tau, thiab tsis tas li ntawd cov thawj coj yuav xav pov npav tshem nws tawm tsis pub ua tswv cuab thaum twg los tau yam uas nws tsis txaus siab los tsis muaj ib txoj hau kev rau nws tawm tsam txoj kev txiav txim ntawd.

3. Tus Tswv Cuab Uas Raug Txav Chaw Lawm

Ib tug tswv cuab uas raug txav chaw lawm yog ib tug neeg ua haujlwm uas nws yeej ib txwm yog ib tug tswv cuab li sawv daws es nws cia li los ntsib teeb meem yam uas tsis paub tsis tom hauv ntej mus li 6 lub hlis los tshaj uas nws ua tsis tau haujlwm lawm rau ib lub chaw uas muaj lub koomhaum SEIU Hauv Zos No 2015 los sawv cev nrog khom lus rau sawv daws. Ib tug tswv cuab uas raug txav chaw li no lawm yuav tsum tseem niaj hnuv them nws cov nqi ua tswv cuab uas nws tseem muaj txoj cai txais cov kev pab li ib tug tswv cuab thiab tseem koom rau nrog rau hauv lub koomhaum cov rooj sibtham thiab pov npav nrog xaiv nqee yam ntawm cov rooj sibtham ntawd tshwj tsis yog cov los mus txiav txim kev pom zoo rau ntawm cov tswv yim siv los mus sib khom lus lossis txog ntawm teeb meem nrog khoos saib xyuas nyob rau hauv lub koomhaum. Ib tug tswv cuab uas raug txav chaw lawm tsis muaj cai los tuav ib txoj haujlwm rau hauv lub hoobkhas

thawj coj. Yog hais tias ntawm thawj thawj pebcaug (30) lub hlis uas tuav ib txoj haujlwm rau hauv hoobkhas loj, es ib tug tswv cuab lub npe tswv cuab cia li hloov mus rau qhov uas Raug Txav Chaw Lawm, no ces nws lub rooj nws yuav tsum zaum tsis tau lawm thiab lub rooj ntawd ces mam li nrhiav lwm tus los mus zaum raws li teev tseg rau hauv Nqe Lus IX Koog G ntawm Txoj Kevcai Tswj thiab Cov Kevcai Siv Rau Tswv Cuab. Yog hais tias nws lub npe tswv cuab hloov rau thaum lub sijhawm rau (6) lub hlis yuav los xaus dej num rau hauv hoobkhas loj, no ces tus tswv cuab ntawd muaj cai nyob kom tag phaum uas nws raug xaiv ua ib tug thawj coj ntawd.

4. Ib Tug Tswv Cuab Uas So Haujlwm Lawm

Ib tug tswv cuab uas so haujlwm lawm yog ib tug neeg ua haujlwm uas nws yeej ib txwm yog ib tug tswv cuab li sawv daws nyob rau ib lub chaw uas muaj lub koomhaum SEIU Hauv Zos No 2015 los sawv cev nrog khom lus rau sawv daws; nws yeej tau so haujlwm lawm tiag tawm ntawm txoj haujlwm tu neeg; tsis ua lwm txoj haujlwm tam sim no rau lwm qhov chaw uas muaj lub koomhaum SEIU Hauv Zos No 2015 sawv cev nrog khom lus rau sawv daws thiab tseem them nws cov nqi. Ib tug tswv cuab uas so haujlwm lawm yeej tseem muaj tag nhro cov cai thiab tag nhro cov dej num raws li teev tseg rau ntawm Txoj Kevcai Tswj thiab Cov Kevcai Siv Rau Tswv Cuab no, tab sis mas lawv mus khiav tuav tsis tau ib txoj haujlwm ua tus thawj coj nyob rau hauv no, mus pov npav xaiv thawj coj rau lub koomhaum tsis tau lossis pov npav tsis tau lossis pov npav los mus xaiv kevcai lij choj li cas los tsis tau, lossis cuam phaj foob ib tug leej twg mus txog rau qhov uas muaj yeej muaj swb tsis tau, thiab tsis tas li ntawd cov thawj coj yuav xav pov npav tshem nws tawm tsis pub ua tswv cuab mus ib ntus lossis muab rho tawm kiag thaum twg los tau yam uas nws tsis txaus siab los tsis muaj ib txoj hau kev rau nws tawm tsam txoj kev txiav txim ntawd. Cov tswv cuab uas so haujlwm lawm yeej koom tau thiab, thaum tus thawj coj lees paub lawm, yeej nyob nrog mloog tau rau hauv lub Koomhaum cov rooj sibtham. Cov tswv cuab uas so haujlwm lawm yeej sawv cev tau rau lub koomhaum tam li ib tug ntawm pab pawg uas sawv cev rau lub koomhaum thaum twg uas tau kev tso cai los ntawm pab Thawj Coj thiab raws li Txoj Kevcai Tswj thiab Cov Kevcai Siv Rau Tswv Cuab tau teev tseg thiab lwm cov kevcai lij choj uas tsim nyog siv. Pab Thawj Coj tsis lees txais koj ua ib tug tswv cuab uas so haujlwm lawm los yeej tau.

5. Lwm Hom Tswv Cuab

Pab Thawj Coj yeej muaj cai txiav txim xaiv kom muaj lwm hom tswv cuab twg los yeej tau tsuav lawv ua raws li lub koomhaum Txoj Kevcai Tswj Ntiaj Teb.

B. Kev Ua Ib Tug Tswv Cuab Zoo

Yuav kom tsim nyog siv tau cov cai yam li yus yog ib tug tswv cuab nyob rau hauv lub Koomhaum, cov tswv cuab hauv lub koomhaum yuav tsum tuav lawv txoj kev ua tswv cuab kom nyob rau qhov zoo los ntawm them nuj them nqi kom tas txhua hli, nqi txheeb xyuas thiab/lossis lwm cov nqi uas tseem tiv nyob rau ntawd ua ntej hnuv kawg ntawm txhua lub hlis uas lag luam

tseem qhib. Cov tswv cuab uas poob haujlwm vim yog tsis muaj haujlwm ua lawm es lub chaw ua haujlwm thiaj li tso lawv mus, cov zoo li no lawm los yeej tseem ua tau tswv cuab yog hais tias lawv them tau tus nqi uas tsawg tshaj plaws raws li tau teev tseg los ntawm Lub Koomhaum Ntiaj Teb Txoj Kevcai Tswj thiab Cov Kevcai Siv Rau Tswv Cuab, them kom tas nyob rau hnuv kawg ntawm txhua lub hlis uas lag luam tseem qhib. Cov tswv cuab uas tsis muaj haujlwm ua tau tshaj (6) rau lub hlis lawm ces yuav ua tsis tau ib tug tswv cuab li sawv daws lawm raws li teev tseg hauv qab Nqe Lus IV Koog A.1., saum toj, tab sis pib kiag lub hli thib 7 tom qab tsis muaj haujlwm rau lawv ua lawm, ces thaum no lawv ua tau Ib Tug Tswv Cuab Uas Raug Txav Chaw Lawm raws li hauv qab cov lus cog tseg nyob rau ntawm Nqe Lus IV, Koog A.3., saum toj, yog hais tias lawv tseem niaj hnuv them nqi txhua hli raws li tau teev tseg nyob rau hauv Nqe Lus VI, Koog B. ntawm Txoj Kevcai Tswj thiab Cov Kevcai Siv Rau Tswv Cuab no.

Tag nhro cov tswv cuab nyob rau hauv ib lub Koomhaum nyias yeej muaj nyias ib txoj luag haujlwm zoo los mus saib xyuas kom lawv tej nuj nqi, nqi kuaj thiab/lossis lwm cov nqi uas tseem tiv them kom tag rau hnuv ntawd lossis ua ntej hnuv kawg ntawm lub hlis uas yuav tsum tau mus them rau ntawm qhov chaw loj lossis lub hoobkhas ntawm lub Koomhaum ntawd. Txawm hais tias yog ib tug neeg ua haujlwm, ib tug neeg sawv cev, lossis ib tug tub txib ntawm lub Koomhaum tsis tuaj lossis tsis tuaj sau nuj nqi, nqi txheeb xyuas thiab/lossis lwm cov nqi uas tseem tiv, qhov no tsis txhais tau hais tias yuav zam tau tus tswv cuab dim nws lub luag haujlwm los mus them nws tej nuj nqi ua ntej hnuv them nqi los txog them rau ntawm lub hoobkhas loj lossis them rau lub hoobkhas Koomhaum.

Ib tug tswv cuab uas poob mus nyob rau qhov tsis zoo lawm thaum lub sijhawm lub Koomhaum txiav txim seb puas tsim nyog muaj cai pov npav nrog lub Koomhaum xaiv thawj coj yuav tsum tsis txhob tsis kam tso cai rau nws pov npav yog hais tias, tsis yog tim tus neeg ua haujlwm no, yog tim nws qhov chaw ua haujlwm tsis rho nyiaj thiab tsis xa mus them cov nuj nqi rau lub Koomhaum xwb.

C. Raug Tshem Tawm Mus Ib Ntus thiab Rov Txais Dua Ua Ib Tug Tswv Cuab

Ib tug tswv cuab twg uas nws tsis them nws cov nuj nqi, nqi txheeb xyuas thiab/lossis lwm cov nqi uas nws tseem tiv rau lub Koomhaum hnuv kawg lossis ua ntej hnuv kawg ntawm lub hlis uas lag luam tseem qhib ntawd uas yuav tsum tau them tib yam, ces yuav raug tshem tawm mu sib ntus tam sim ntawd tsis pub muaj npe ua ib tug tswv cuab rau kub Koomhaum no lawm, thiab nrog rau tag nhro cov cai nws muaj thiab tau txais kev tshwj xeeb uas muaj muab rau cov tswv cuab.

Ib tug tswv cuab twg uas raug tshem tawm ib ntus lawm yeej rov qab los tau thaum twg tag nhro cov nuj nqi them tag lawm. Ib tug tswv cuab twg uas raug tshem tawm lawm uas nws rov qab lost so npe ua tswv cuab dua, hnuv rov txais nws los ua ib tug tswv cuab dua ces nws yuav rov mus ua hom tswv cuab uas nws yeej ib txwm ua, pib hnuv ntawd mus.

D. Tsis Pub Muaj Xaiv Neeg Ntxub Ntxaug

Txwv tsis pub muaj xaiv neeg ntxub ntxaug rau ib tug tswv cuab twg li, txawm yuav yog ib tug Tswv Cuab Uas Muaj Feem Cuam, Ib Tug Tswv Cuab Uas Raug Txav Chaw Lawm, Ib Tug Tswv Cuab Uas So Haujlwm Lawm lossis lwm hom tswv cuab twg los xij, lossis rau ib tug neeg twg uas tuaj tso npe ua tswv cuab txawm nws yuav yog haiv neeg twg, vajtswv pab pawg ntseeg twg, xim nqaij twg, kev ntseeg twg, yuav yog poj niam los txiv neej, nws yuav nyiam muab nws tus kheej hu ua poj niam los txiv neej, nws txawm yuav nyiam poj niam los nyiam txiv neej, hom neeg teb chaw dab tsi, txawm ntaub ntawv nyob teb chaw no yuav yog li cas, muaj txij nkawm los tsis muaj, caj ces, muaj pes tsawg xyoo, lossis xiam tes taw xiam oobkhab.

E. Lub Luag Haujlwm Ntawm Ib Tug Tswv Cuab thiab Txhua Yam Uas Nws Yuav Tsum Tau Ua

Txhua hom tswv cuab, raws li tau teev tseg los ntawm nws lub npe ua tswv cuab nyob rau hauv lub Koomhaum no yuav tsum tau ua raws li thiab ua li cov lus nyob rau hauv lub koomhaum Txoj Kevcai Tswj Ntiaj Teb, Txoj Kevcai Tswj no, thiab cov kevcai siv los mus ua haujlwm kom txhua yam khiav raws li Txoj Kevcai Tswj, nrog rau qhov los mus hwm nws cov cai uas nws muaj, dej num, kev tshwj xeeb thiab kev tiv thaiv cob fim los ntawm lawv thiab txoj kevcai lij choj. Txhua tus tswv cuab yuav tsum ua lub siab ncaj ncees ua kom tiav lub luag haujlwm thiab txhua yam uas nws yuav tsum tau ua thiab tsis txhob cuam tshuam cov cai uas lwm tus tswv cuab muaj.

F. Tau Kev Tso Cai Los Mus Ua Tus Sawv Cev Sib Khom Lus Rau Sawv Daws.

Txhua tus tswv cuab, los ntawm nws lub hwj tsam ua ib tug tswv cuab nyob rau hauv lub Koomhaum no, tso cai rau lub Koomhaum no ua tus sawv ces sib khom lus rau sawv daws nrog tag nhro thiab lub hwj huam los mus hais kom muaj kev sib haum xeeb nrog nws lub chaw ua haujlwm hais txog cov nqe lus los mus tuav ob tog thiab kev ua haujlwm, txiav txim seb yuav lees txais lossis tsis lees txais li cas ntawm cov lus uas mus sib khom kom tsim tau kev haum xeeb, txiav txim seb yuav tso cai li cas thaum sawv daws koom siab tawm tsam tsis kam ua haujlwm lawm lossis lwm yam kev ua nyob rau tom haujlwm thiab los mus ua rau nws thiab muaj txoj cai los mus ua tus hais lo lus tso cai kawg kiag rau ntawm qhov yuav muab nthuav tawm qhia rau sawv daws li cas, ua ib kauj ruam zuj zus li cas, thiab hloov kho qhov twg uas yuav muaj kev ntsawv siab, nyuaj, lossis tsis sib haum los ntawm thaum uas peb sib hais sib khom kom tau ib txoj kev haum xeeb rau sawv daws lossis kom nyom tau tawm ntawm lub chaw ua haujlwm los kom tau raws li lub Koomhaum no lossis nws cov tub txib txoj kev xav tau kom tsuas yog tau qhov uas zoo tshaj plaws rau lub Koomhaum. Lub Koomhaum no nrog rau nws cov tub txib, cov neeg sawv cev, cov neeg ua txoj haujlwm muaj txoj cai tsis tas yuav los mus saib txog tej yam uas muaj kev ntsawv siab, kev tsis txaus siab, nyuaj, lossis kev tsis sib haum, yog hais tias raws li lawv txoj kev xam pom thiab txoj kev txiav txim hais tias tej kev ntsawv siab, kev tsis txaus siab, lossis kev tsis sib haum no tsis tseem ceeb.

G. Nplua Txim thiab Raug Rho Tawm.

Tsis muaj ib tug tswv cuab nyob rau hauv peb lub Koomhaum no uas yuav raug tshem tawm ib ntus tau lossis raug txiav tawm tsis pub ua tswv cuab lawm tshwj tsis yog nws raug foob los ntawm ib pab pawg twg uas muaj cai foob nws mus txog qhov uas muaj yeej muaj swb lossis raws li tau teev meej nyob rau hauv Nqe Lus IV, Koog C., saum toj.

NQE LUS V – Daim Ntawv Teev Lub Koomhaum Cov Tswv Cuab Cov Cai thiab Tes Num Nyob Rau Hauv Lub Koomhaum

A. Tswv Cuab Cov Cai

1. Muaj txoj cai hais kom sawv daws hnov thiab hwm nws txoj kev xav, qhia rau nws paub txog qhov uas lub Koomhaum ua, qhia kom muaj kev kawm txog lub Koomhaum cov kev hwm qhov uas tseem ceeb thiab lub Koomhaum txoj kev txawj.
2. Muaj txoj cai xaiv cov thawj coj rau lub Koomhaum kom ncaj ncees thiab kom yog xaiv los ntawm cov coob txoj kev pom zoo.
3. Muaj txoj cai nrog paub nrog pom lub Koomhaum txoj kev tuav nyiaj txhiag uas lawv sau sawv daws li cas thiab seb lub Koomhaum tuav txhua yam kev pab rau sawv daws li cas.
4. Muaj txoj cai tau tus zoo, tsim nyog los mus sawv cev rau.
5. Muaj txoj cai los mus koom tes nrog lub Koomhaum cov dag zog thaum mus sib hais sib khom lus thiab seb tsis yuav lossis pom zoo rau cov lus haum xeeb.
6. Muaj txoj cai los mus kom lawv cia li daws cov tswv cuab cov kev txhawj xeeb yam uas kom ncaj ncees thiab sai.
7. Muaj txoj cai thaum nug txog lawm yuav tsum txhab txhais tej ntaub ntawv thiab lus sibtham kom yog tus neeg ntawd hom lus nws ib txwm siv.
8. Muaj txoj cai mus koom tag nhro cov rooj sibtham rau cov tswv cuab ntawm lub Koomhaum, cov rooj sibtham li txhua zaus thiab cov rooj sibtham tshwj xeeb uas nyob rau ntawm nws koog chaw nws nyob tsuas xav kom tus tswv cuab hais qhia ib los rau tus Thawj Coj ntawm lub rooj sibtham ntawd paub ua ntej xwb thiab kom tus tswv cuab paub txog lawv kev txhaj txheem sibtham, cov lus tham thiab kev coj ntawm tus thawj coj lub rooj sibtham ntawd hais txog ntawm qhov uas xav tau los ntawm tus tswv cuab uas xav tuaj mus koom rooj sibtham.

B. Tswv Cuab Tes Num

1. Muaj qhov tes num ua kom tau li lub Koomhaum txoj kev hwm qhov uas tseem ceeb. Cov tswv cuab yuav tsum muaj kev sib hwm, txawm hais tias lawv tsis pom zoo tib yam, thiab tus tod los yuav tsum hwm lawv tib yam li thiab.
2. Muaj qhov tes num pab tsim kom tau cov suab ncauj lug los mus txhawb kev ua haujlwm kom muaj zog thiab siv tau, los mus txhawb txoj kev sau sawv daws los ua ke ntawm cov neeg ua haujlwm uas tsis paub yuav pib tog twg, pab tsim kom tau ib lub

suab los mus nrog hais cai rau cov neeg ua haujlwm, thiab sawv ntseg nrog cov neeg yus ua haujlwm nrog thiab tag nhro cov neeg ua haujlwm.

3. Muaj qhov tes num los mus nqis tes pab txhawb lub Koomhaum.

4. Muaj qhov tes num siv tus cwj pwm zoo thiab ncaj ncees rau tag nrho cov neeg ua haujlwm thiab tswv cuab.

5. Muaj qhov tes num los mus hais qhia rau lub Koomhaum seb tshuav qhov twg lawv ua tsis tau zoo.

6. Muaj qhov tes num kom paub txog seb lub Koomhaum khiav haujlwm li cas thiab koom tes nrog cov haujlwm nyob rau hauv lub Koomhaum.

7. Muaj qhov tes num mus koom tag nrho cov rooj sibtham rau cov tswv cuab hauv lub Koomhaum, cov rooj sibtham li txhua zaus thiab cov rooj sibtham uas tshwj xeeb uas nyob rau nws qhov chaw nws nyob thiab paub txhaj txheem sibtham mus li cas thiab paub cai thaum mus rau cov rooj sibtham li no.

C. Faib Ua Ob Pab Pawg Koomhaum

Txwv tsis pub ib tug tswv cuab twg muaj kev koom tes los mus faib ua ob pab pawg koomhaum lossis yog tus los mus faib ua ob pab pawg koomhaum lossis txiav yus tus kheej tawm thaum tseem muaj kev sibtham, lossis hais lus cem lossis ua tsis zoo rau lub Koomhaum no, nws cov tswv cuab, lossis nws cov tub txib, thiab tsis yeem yog ib tug koom tes ua tej yam los mus rhuav tshem lub Koomhaum no cov dag zog sib hais sib khom lus rau ib tug neeg ua haujlwm twg li.

NQE LUS VI – Nuj Nqi thiab lwm Qhov Chaw Siv Nyiaj

A. Hauv Zos No 2015 Cov Nyiaj

Txhua tus neeg ua cov haujlwm tu neeg mus ntev no uas yog ib tug tswv cuab rau ntawm Hauv Zos No 2015 muaj lub luag haujlwm yuav tsum nrog them cov nqi khiav thiab saib xyuas lub Koomhaum. Cov nyiaj khwv los rau Hauv Zos No 2015 los ntawm sau nqi txhua lub hlis ntawm tag nrho cov tswv cuab, cov nqi nkag Koomhaum, cov nqi txais kev pab, nqi txheeb xyuas thiab/lossis lwm yam uas raws kevcai lij choj.

B. Cov nuj nqi hloov li cas ntawm tus lej nyiaj uas Hauv Zos No 2015 cov tswv cuab them, lwm yam uas tsis yog tau kev tso cai nce nqi raws li hauv Txoj Kevcai Tswj thiab Cov Kevcai Siv Rau Tswv Cuab no lossis khoo los ntawm lub Koomhaum Ntiaj Teb, tsuas ua tau yog hais tias cov coob pov npav pom zoo ntawm cov tswv cuab uas raug qhov no uas tseem nyob rau qhov uas yog ib tug tswv cuab zoo.

C. Kev Txheeb Xyuas

Ua ntej yuav cov kev los mus txheeb xyuas no mus tham rau cov tswv cuab hnov mas, cov coob ntawm tag nrho pab pawg Thawj Coj yuav tsum tau pov npav pom zoo qhov txheeb xyuas no lawm tso. Qhov txheeb xyuas no raug tus tswv cuab twg ces cov tswv cuab ntawd yuav yog cov los mus pov npav xaiv. Yog li no, qhov txheeb xyuas rau tag nrho cov tswv cuab nyob rau Hauv Zos No 2015 tsuas yuam tau kom lawv them yog hais tias cov coob pov npav pom zoo rau thiab tsuas yog cov tswv cuab uas nyob rau qhov tseem zoo thiaj li pov npav tau xwb. Thaum tsom tau meej lawm hais tias qhov yuav txheeb xyuas ntawd yuav raug cov tswv cuab twg, xws li raug rau chav sib khom lus, ces tsuas siv tau yog hais tias cov coob ntawm cov tswv cuab ntawd pom zoo thiab yog cov uas tseem nyob rau qhov zoo ntawm pab pawg uas raug tsom ntawd.

NQE LUS VII – Pom Zoo Cov Lus Uas Nyob Rau Hauv Cov Ntaub Ntawv Cog Lus

Cov ntaub ntawv cog lus yuav tsum tau kev pom zoo los ntawm cov coob uas pov npav xaiv ntawm cov uas muaj kev koom tes, ntawm lub rooj sibtham lossis lub rooj sibtham nrog cov tswv cuab uas yog cov raug kiag qhov teeb meem no, lossis pov npav xa hauv pais xabnis. Txoj kev txiav txim seb pov npav li cas ces cia rau tus PajTha lossis ib tug tub txib lossis ib tug ua tus sawv cev uas tus PajTha xaiv tau, mam li yog cov txiav txim.

NQE LUS VIII – Tso Cai Pub Sawv Daws Koom Tes Tawm Tsam Tsis Kas Ua Haujlwm Lawm

Txoj kev yuav los tso cai pub sawv daws koom tes tawm tsam tsis kam ua haujlwm lawm txiav txim los ntawm cov coob pov npav pom zoo li cas ntawm cov neeg uas koom tes, ntawm lub rooj sibtham lossis lub rooj sibtham nrog cov tswv cuab uas yog cov raug kiag qhov teeb meem no, lossis pov npav xa hauv pais xabnis. Txoj kev txiav txim seb pov npav li cas ces cia rau tus PajTha lossis ib tug tub txib lossis ib tug ua tus sawv cev uas tus PajTha xaiv tau, mam li yog cov txiav txim. Tus PajTha Ntiaj Teb yuav tsum paub txog ua ntej yuav pib qhov sawv daws koom tes tawm tsam tsis kam ua haujlwm, lossis, yog hais tias muaj lwm yam es qhia tsis tau ua ntej, no ces qhia tom qab sai li sai tau thaum sawv daws twb tau koom tes tawm tsam tsis kam ua haujlwm lawm.

NQE LUS IX – Lub Koomhaum Teeb Cov Thawj Coj Li Cas

A. Qhia Tag Nrho

Yuav kom ua tau raws li Lub Hom Phiaj, Lub Zeem Muag thiab Txoj Kev Sib Hwm qhov tseem ceeb rau ntawm SEIU Hauv Zos No 2015 cov tswv cuab thiab saib xyuas kom muaj cov thawj coj zoo thiab ua tau haujlwm zoo, lub Koomhaum yuav tsum muaj neeg khiav haujlwm ruaj kho nyob rau Sab Teb Chaws No, los mus rau Tshooj No thiab Hom Haujlwm No.

1. Tshooj

Ib tshooj no ces yuav teeb raws ib lub zos county es thiaj li muaj cov tswv cuab lub suab coob txaus thiab dav loj txaus nyob rau hauv. Qhov no los mus ua txoj haujlwm txhawb cov tswv cuab nyob rau thaj chaw ntawd lub suab los mus npaj thiab caum kom cuag lub Koomhaum lub hom phiaj thiab kev txiav txim. Thaum twg tau ces sai li sai tau, xav kom cov neeg ua raug xaiv los mus sawv cev nyob rau tshooj ntawd txiav txim seb yuav teem lub rooj sibtham rau thaum twg los mus nrog tawm tswv yim nrog lawv tus Regional Loo

PajTha thiab tus Executive Loo PajTha. Txoj haujlwm yuav poob rau Cov neeg sawv cev rau Tshooj no los mus saib xyuas kom tag nrho cov rooj sibtham muaj ib daim ntawv teev cov ntsiab lus tham, sau cia cov lus sibtham thiab kaw cia seb leej twg tuaj nyob rau ntawd nrog rau cov khoom los mus txhawb. Tag nrho cov ntaub ntawv no yuav tsum muab cob rau tus Regional Loo PajTha. Muab teeb li no mas tsis yog ua los mus tav lwm cov tswv cuab cov rooj sibtham uas nyob rau lwm qhov chaw ze ntawd uas yeej yog los mus pab tsim kom tau lub Koomhaum thiab.

2. Cov Neeg Paub Hom Haujlwm

Cov neeg paub hom haujlwm ces yuav yog cov tswv cuab uas nyob rau tib txoj haujlwm lossis hom haujlwm uas zoo sib xws. Qhov no yuav siv los mus pab txhawb kom muaj qhov siv tau thiab tawm tswv yim rau Pab Pawg Thawj Coj hais txog teeb meem txhawj xeeb txog ces ntawd ntawm cov tswv cuab. Cov Neeg Paub Hom Haujlwm no mas peb tsa lawv los rau cov kws IHSS, Cov Tuaj Txhab Tu Neeg uas nws yog nws li thiab cov neeg ua haujlwm rau cov Khw Hau Maum uas Muaj Txuj Ci. Thaum twg tau ces sai li sai tau, Pab Pawg Thawj Coj mam li txiav txim seb yuav teem sijhawm li cas rau cov rooj sibtham rau Cov Neeg Paub Hom Haujlwm. Txoj haujlwm poob rau Thawj Tug Loo PajTha los mus coj Cov Neeg Paub Hom Haujlwm thiab saib xyuas kom tag nrho cov rooj sibtham muaj ib daim ntawv teev cov ntsiab lus tham, sau cia cov lus sibtham thiab kaw cia seb leej twg tuaj nyob rau ntawd nrog rau cov khoom los mus txhawb. Tag nrho cov ntaub ntawv no yuav tsum muab cob rau tus PajTha.

3. Sab Teb Chaws

Lub Koomhaum Lub Hom Phiaj Txoj Kev Coj, Lub Zeem Muag, Txoj Kev Sib Hwm Qhov uas Tseem Ceeb thiab hom phiaj yuav tsum tau muab tawm thiab ua kom tau los ntawm Sab Teb Chaws uas muaj tag nrho cov tswv cuab nyob rau hauv lub Koomhaum uas nyob rau sab teb chaws ntawd. Thaum twg tau ces sai li sai tau, tus Loo PajTha rau Sab Teb Chaws ntawd uas lawv xaiv tau mam li txiav txim seb yuav teem sijhawm li cas rau cov rooj sibtham rau Cov Neeg Sawv Cev Rau Tshooj ntawd thiab tus Executive Loo PajTha. Txoj haujlwm poob rau tus Regional Loo PajTha los mus saib xyuas kom tag nrho cov rooj sibtham muaj ib daim ntawv teev cov ntsiab lus tham, sau cia cov lus sibtham thiab kaw cia seb leej twg tuaj nyob rau ntawd nrog rau cov khoom los mus txhawb. Tag nrho cov ntaub ntawv no yuav tsum muab cob rau tus Executive Loo PajTha.

B. Pab Pawg Thawj Coj Sawv Cev Rau Ib Tshooj

Pab Pawg Thawj Coj Sawv Cev Rau Ib Tshooj (lossis “Cov Neeg Sawv Cev Rau Ib Tshooj”) tsa tau muaj nyob rau hauv txhua koog: IHSS; Cov Tuam Txhab Tu Neeg; lossis Cov Tsev Tu Neeg.

IHSS Cov Neeg Sawv Cev Rau Ib Tshooj raug xaiv los ntawm cov tswv cuab uas nyob rau ib lub county zos. Txhua lub IHSS county yuav tsum xaiv tsa tau ib tug Neeg Sawv Cev thiab yuav tsum muaj ib tug Neeg Sawv Cev rau ntawm 1,500 tus IHSS tswv cuab tom qab ntawd.

Lub Tuam Txhab Tu Neeg thiab Lub Tsev Tu Neeg Cov Neeg Sawv Cev yog xaiv los ntawm cov tswv cuab uas nyob rau sab teb chaws ntawd.

Rau Cov Tuam Txhab Tu Neeg, txhua sab teb chaws yuav tsum xaiv tsa ib tug neeg sawv cev yog hais tias yuav sawv cev rau ib sab teb chaws twg, thiab tsis tas li ntawd yuav tsum muaj ib tug neeg sawv cev rau 500 tus tswv cuab tom qab ntawd.

Rau Cov Tsev Tu Neeg, txhua sab teb chaws yuav tsum xaiv tsa ob tug neeg sawv cev yog hais tias yuav sawv cev rau ib sab teb chaws twg, thiab tsis tas li ntawd yuav tsum muaj ib tug neeg sawv cev rau 500 tus tswv cuab tom qab ntawd.

Cov Neeg Sawv Cev Rau Ib Tshooj muaj cov haujlwm raws li tom qab no:

1. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015 suav tib si los ntawm ua ib tug qauv zoo ntawm qhov tseem ceeb seb peb yuav tsim kho li cas thiab siv lub hwj huam los mus coj cov neeg yus ua haujlwm nrog los mus nkag ua tswv cuab rau SEIU 2015, pab kom cov neeg ua haujlwm tu neeg uas tsis muaj koomhaum pom tau hais tias lawv muaj zog npaum li cas thaum lawv los mus sib sau ua ke nrog SEIU 2015 thiab txhawb siab rau cov neeg ua haujlwm tu neeg kom lawv muaj siab koom tes rau lawv Txoj Kev Ywj Pheej thiab nqis tes NROG DAWS TEJ YAM UAS NYUAJ.
2. Cog lus ua tag nrho cov tes num ntawm ib tug tswv cuab raws li teev tseg nyob rau Koog V.B ntawm Txoj Kevcai Tswj thiab Cov Kevcai Siv Rau Tswv Cuab no.
3. Cov Neeg Sawv Cev Rau Ib Tshooj cov tes num yog ua kom tau lub Koomhaum thiab txiav txim rau yus sab teb chaws yus nyob ntawd thiab khoo los mus siv cov lus sib khom haum xeeb rau ntawm cov tswv cuab uas lawv sawv cev rau.
4. Cov Neeg Sawv Cev Rau Ib Tshooj yuav tsum yog cov tswv cuab nyob rau lub zos county uas lawv mus sib khom lus rau lossis cov tswv cuab ua haujlwm rau cov tuam txhab lossis cov tsev tu neeg nyob rau sab teb chaws ntawd thiab yuav tsum mus koom tag nrho cov rooj sibtham thiab cov rooj sibtham tshwj xeeb nyob rau yus Tshooj thiab Sab Teb Chaws yus nyob ntawd.
5. Yog tsis mus koom lub rooj sibtham nrog Pab Pawg Thawj Coj thiab yog tsis hais qhia rau tus PajTha ua ntej seb yog vim li cas mus tsis tau thiab ua ntej lub rooj sibtham ntawd tsis tau txais kev tso cai los ntawm Pab Pawg Thawj Coj pov npav tso cai hais tias qhaj tau no ces muab suav tau hais tias qhaj yam uas tsis tau kev tso cai. Koj raug rho tawm koj txoj haujlwm yog hais tias koj qhaj txog peb zaug uas tsis tau kev tso cai lub sijhawm koj tuav txoj haujlwm rau hoobkhas loj.

6. Ib Tug Neeg Sawv Cev rau Ib Tshooj muaj lub luag haujlwm yuav tsum tuav Txoj Kevcai Twsj no khov kho, mus koom tag nrho cov neeg sawv cev thiab lwm cov rooj sibtham nyob rau hauv Koomhaum uas yuav tsum mus lossis xav kom mus.

7. Cov Neeg Sawv Cev rau ib Tshooj muaj lub luag haujlwm yuav tsum caw thiab nrog txhawb siab kom tag nrho cov tswv cuab koom tes rau hauv Tshooj uas lawv nyob ntawm tag nrho txhua yam lub Koomhuam ua.

8. Cov Neeg Sawv Cev rau ib Tshooj muaj lub luag haujlwm yuav tsum ua kom tiav tag nrho cov tes num thiab haujlwm uas tau muab cob rau lawv los ntawm cov kevcai uas Pab Pawg Thawj Coj tau siv.

9. Cov Neeg Sawv Cev rau ib Tshooj yuav tsum coj tus cwj pwm paub haujlwm tas li thiab xav kom tau qhov zoo tshaj rau lub Koomhaum thiab nws cov tswv cuab, tswj yus tus kheej zoo tsis txhob ua tej yam uas yuav puas tsuaj rau cov tswv cuab thiab ua ncaj ncees raws li cov lus uas tau Tsa Tes Cog Tseg Thaum Los Mus Lees Haujlwm. Yog hais tias ua tsis tau ces tej zaum yuav raug foob vim ua tsis tau raws li tau cog tseg thiab tej zaum tseem yuav raug tshem tawm haujlwm raws li cov txhaj txheem nyob rau Nqe Lus XII.

C. Loo PajTha Rau Sab Teb Chaws

Loo PajTha Rau Sab Teb Chaws yog xaiv los ntawm cov tswv cuab nyob rau sab teb chaws ntawd. Muaj pes tsawg qhov chaw uas tau kev tso cai los ntawm Pab Pawg Thawj Coj suav tau hais tias yog ib sab teb chaws no ces yuav muaj npaum ntawd tus Loo PajTha Rau Sab Teb Chaws. Ib sab teb chaws twg yuav tsum muaj ob (2) lub rooj Loo PajTha Rau Sab Teb Chaws. Txuas ntxiv mus, ntawm 20 Pab Pawg Thawj Coj twg rau ib Tshooj uas nyob rau hauv ib Sab Teb Chaws ces yuav muaj 1 lub rooj ntxiv rau ib tug Loo PajTha Rau Sab Teb Chaws.

Loo PajTha Rau Sab Teb Chaws muaj cov haujlwm raws li tom qab no:

1. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015 suav tib si los ntawm ua ib tug qauv zoo ntawm qhov tseem ceeb seb peb yuav tsim kho li cas thiab siv lub hwj huam los mus coj cov neeg yus ua haujlwm nrog los mus nkag ua tswv cuab rau SEIU 2015, pab kom cov neeg ua haujlwm tu neeg uas tsis muaj koomhaum pom tau hais tias lawv muaj zog npaum li cas thaum lawv los mus sib sau ua ke nrog SEIU 2015 thiab txhawb siab rau cov neeg ua haujlwm tu neeg kom lawv muaj siab koom tes rau lawv Txoj Kev Ywj Pheej thiab nqis tes NROG DAWS TEJ YAM UAS NYUAJ.

2. Tus Loo PajTha Rau Sab Teb Chaws txoj haujlwm yog rau tus PajTha, Executive Loo PajTha, Executive Pab Pawg Thawj Coj Sawv Cev rau ntawm ib Tshooj thiab cov tswv cuab nyob rau lawv sab teb chaws ntawd.

3. Cov Loo PajTha Rau Sab Teb Chaws muaj lub luag haujlwm yuav tsum ua kom tiav tag nrho cov tes num thiab haujlwm uas tau muab cob rau lawv los ntawm Cov Neeg Sawv Cev rau Tshooj ntawd.

4. Tus Loo PajTha Rau Sab Teb Chaws txoj haujlwm yog txhawb tsim tsa Cov Neeg Sawv Cev rau ib Tshooj twg, thiab txhawb Cov Neeg Sawv Cev rau lawv Tshooj ua lawv cov tes num kom tiav; ua kom tau cov kev pab thiab hom phiaj raws li lub Koomhaum nyob rau lawv sab teb chaws thiab sau kevcai thiab tawm tswv yim kev pab rau tus PajTha, Executive Loo Pajtha thiab Pab Pawg Thawj Coj.

5. Tus Loo PajTha Rau Sab Teb Chaws yuav tsum yog tus los mus coj lub rooj sibtham rau cov tswv cuab uas nyob rau sab teb chaws ntawd thiab yeej muaj cai coj cov rooj sibtham rau tswv cuab rau ib tshooj twg los tau.

6. Tus Loo PajTha Rau Sab Teb Chaws yuav tsum tuav tag nrho cov ntaub ntawv rau txhua yam uas lawv tau ua nyob rau lawv Sab Teb Chaws thiab lwm cov tes num uas tau muab tso rau lawv.

7. Yog tsis mus koom lub rooj sibtham nrog Pab Pawg Thawj Coj thiab yog tsis hais qhia rau tus PajTha ua ntej seb yog vim li cas mus tsis tau thiab ua ntej lub rooj sibtham ntawd tsis tau txais kev tso cai los ntawm Pab Pawg Thawj Coj pov npav tso cai hais tias qhaj tau no ces muab suav tau hais tias qhaj yam uas tsis tau kev tso cai. Koj raug rho tawm koj txoj haujlwm yog hais tias koj qhaj txog peb zaug uas tsis tau kev tso cai lub sijhawm koj tuav txoj haujlwm rau hoobkhas loj.

8. Tus Loo PajTha Rau Sab Teb Chaws yuav tsum coj tus cwj pwm paub haujlwm tas li thiab xav kom tau qhov zoo tshaj rau lub Koomhaum thiab nws cov tswv cuab, tswj yus tus kheej zoo tsis txhob ua tej yam uas yuav puas tsuaj rau cov tswv cuab thiab ua ncaj ncees raws li cov lus uas tau Tsa Tes Cog Tseg Thaum Los Mus Lees Haujlwm. Yog hais tias ua tsis tau ces tej zaum yuav raug foob vim ua tsis tau raws li tau cog tseg thiab tej zaum tseem yuav raug tshem tawm haujlwm raws li cov txhaj txheem nyob rau Nqe Lus XII.

D. Thawj Loo PajTha

Yuav tsum muaj ib tug Thawj Loo PajTha rau Tu Neeg Hauv Tsev thiab ib tug Thawj Loo PajTha rau cov Tsev Laus uas yog xaiv los ntawm cov tswv cuab uas coob nyob rau lawv xaim haujlwm.

Thawj Loo PajTha muaj cov haujlwm raws li tom qab no:

1. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015 suav tib si los ntawm ua ib tug qauv zoo ntawm qhov tseem ceeb seb peb yuav tsim kho li cas thiab siv lub hwj huam los mus coj cov neeg yus ua haujlwm nrog los mus nkag ua tswv cuab rau SEIU 2015, pab kom cov neeg ua haujlwm tu neeg uas tsis muaj koomhaum

pom tau hais tias lawv muaj zog npaum li cas thaum lawv los mus sib sau ua ke nrog SEIU 2015 thiab txhawb siab rau cov neeg ua haujlwm tu neeg kom lawv muaj siab koom tes rau lawv Txoj Kev Ywj Pheej thiab nqis tes NROG DAWS TEJ YAM UAS NYUAJ.

2. Ua ib tug thawj coj rau Cov Neeg Uas Paub Lawv Xaim Haujlwm thiab coj lub zeem muag mus rau tom ntej kom dav tshaj thiab teeb cov hom phiaj rau txhua xaiv haujlwm raws li tus PajTha tawm qhia.

3. Ua haujlwm ze nrog cov Executive Loo PajTha kom thiaj li coj tau lub zeem muag rau xaim haujlwm mus kom dav tshaj thiab teeb hom phiaj kom thoob plaws lub koomhaum.

4. Ua lwm cov tes num raws li muab los ntawm tus PajTha.

5. Ua ib tug ntawm Pab Pawg Thawj Coj uas yog ib tug pov npav txiav txim, thiab tso mus txhua tes num thiab haujlwm ntawm cov neeg ntawd. Yog tsis mus koom lub rooj sibtham nrog Pab Pawg Thawj Coj thiab yog tsis hais qhia rau tus PajTha ua ntej seb yog vim li cas mus tsis tau thiab ua ntej lub rooj sibtham ntawd tsis tau txais kev tso cai los ntawm Pab Pawg Thawj Coj pov npav tso cai hais tias qhaj tau no ces muab suav tau hais tias qhaj yam uas tsis tau kev tso cai. Koj raug rho tawm koj txoj haujlwm yog hais tias koj qhaj txog peb zaug uas tsis tau kev tso cai lub sijhawm koj tuav txoj haujlwm rau hoobkhas loj.

6. Thawj Loo PajTha yuav tsum coj tus cwj pwm paub haujlwm tas li thiab xav kom tau qhov zoo tshaj rau lub Koomhaum thiab nws cov tswv cuab, tswj yus tus kheej zoo tsis txhob ua tej yam uas yuav puas tsuaj rau cov tswv cuab thiab ua ncaj ncees raws li cov lus uas tau Tsa Tes Cog Tseg Thaum Los Mus Lees Haujlwm. Yog hais tias ua tsis tau ces tej zaum yuav raug foob vim ua tsis tau raws li tau cog tseg thiab tej zaum tseem yuav raug tshem tawm haujlwm raws li cov txhaj txheem nyob rau Nqe Lus XII.

E. Executive Loo PajTha

Yuav tsum muaj peb (3) tug Executive Loo PajTha uas yog xaiv los ntawm tag nrho cov tswv cuab.

Executive Loo PajTha muaj cov haujlwm raws li tom qab no:

1. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015 suav tib si los ntawm ua ib tug qauv zoo ntawm qhov tseem ceeb seb peb yuav tsim kho li cas thiab siv lub hwj huam los mus coj cov neeg yus ua haujlwm nrog los mus nkag ua tswv cuab rau SEIU 2015, pab kom cov neeg ua haujlwm tu neeg uas tsis muaj koomhaum pom tau hais tias lawv muaj zog npaum li cas thaum lawv los mus sib sau ua ke nrog SEIU

2015 thiab txhawb siab rau cov neeg ua haujlwm tu neeg kom lawv muaj siab koom tes rau lawv Txoj Kev Ywj Pheej thiab nqis tes NROG DAWS TEJ YAM UAS NYUAJ.

2. Los mus ua tus thib ob, thib peb thiab thib plaub tus thawj tub txib rau ntawm lub Koomhaum, muaj haujlwm saib xyuas ob qho tib si thaj chaw thiab cov kev pab uas yuav siv los mus pab tus PajTha ua nws txoj haujlwm.

3. Ua lwm cov tes num raws li muab los ntawm tus PajTha.

4. Ua ib tug ntawm Pab Pawg Thawj Coj uas yog ib tug pov npav txiav txim, thiab tso mus txhua tes num thiab haujlwm ntawm cov neeg ntawd. Yog tsis mus koom lub rooj sibtham nrog Pab Pawg Thawj Coj thiab yog tsis hais qhia rau tus PajTha ua ntej seb yog vim li cas mus tsis tau thiab ua ntej lub rooj sibtham ntawd tsis tau txais kev tso cai los ntawm Pab Pawg Thawj Coj pov npav tso cai hais tias qhaj tau no ces muab suav tau hais tias qhaj yam uas tsis tau kev tso cai. Koj raug rho tawm koj txoj haujlwm yog hais tias koj qhaj txog peb zaug uas tsis tau kev tso cai lub sijhawm koj tuav txoj haujlwm rau hoobkhas loj.

5. Muaj cai los mus kos npe rau cov tshev thiab lwm cov ntaub ntawv lij choj rau lub Koomhaum.

6. Los sawv cev raws li txoj kev tso cai ntawm lub hoobkhas ua tus thib ob, thib peb thiab thib plaub sawv cev rau SEIU cov koom txoos sibtham thiab rooj sibtham uas lub Koomhaum muaj cai xaiv neeg sawv cev rau.

7. Tus Executive Loo PajTha tsis pub qhov hais tias nws tsis tsim nyog ua ib tug xaiv los ntawm lub Koomhaum ib tug neeg ua haujlwm, nyob ntawm seb tus PajTha ib leeg thiab nws lub hwj huam raws li teev tseg rau ntawm Txoj Kevcai Tswj thiab Cov Kevcai Sib Rau Tswv Cuab no.

8. Tus Executive Loo PajTha yuav tsum coj tus cwj pwm paub haujlwm tas li thiab xav kom tau qhov zoo tshaj rau lub Koomhaum thiab nws cov tswv cuab, tswj yus tus kheej zoo tsis txhob ua tej yam uas yuav puas tsuaj rau cov tswv cuab thiab ua ncaj ncees raws li cov lus uas tau Tsa Tes Cog Tseg Thaum Los Mus Lees Haujlwm. Yog hais tias ua tsis tau ces tej zaum yuav raug foob vim ua tsis tau raws li tau cog tseg thiab tej zaum tseem yuav raug tshem tawm haujlwm raws li cov txhaj txheem nyob rau Nqe Lus XII.

F. PajTha

Tus PajTha xaiv los ntawm tag nrho cov tswv cuab los mus tuav txoj haujlwm tshwj xeeb no tam li yog lub Koomhaum Tus Thawj Coj Loj Tshaj Plaws. Tus PajTha yog tus muab cov haujlwm ntawm lub Koomhaum no rau sawv daws thiab siv cov kevcai ntawm lub Koomhaum no txhua hnuv.

Tus PajTha cov haujlwm ces muaj raws li tom qab no tab sis tsuas siv tau rau cov tom qab no xwb:

1. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015 suav tib si los ntawm ua ib tug qauv zoo ntawm qhov tseem ceeb seb peb yuav tsim kho li cas thiab siv lub hwj huam los mus koj cov neeg yus ua haujlwm nrog los mus nkag ua tswv cuab rau SEIU 2015, pab kom cov neeg ua haujlwm tu neeg uas tsis muaj koomhaum pom tau hais tias lawv muaj zog npaum li cas thaum lawv los mus sib sau ua ke nrog SEIU 2015 thiab txhawb siab rau cov neeg ua haujlwm tu neeg kom lawv muaj siab koom tes rau lawv Txoj Kev Ywj Pheej thiab nqis tes NROG DAWS TEJ YAM UAS NYUAJ.
2. Ua raws li tag nrho cov kev txiav txim los ntawm cov tswv cuab txoj kev pov npav xaiv thiab/lossis txoj kev txiav txim ntawm Pab Pawg Thawj Coj.
3. Coj txhua lub rooj sibtham rau Pab Pawg Thawj Coj. Yog tsis mus koom lub rooj sibtham nrog Pab Pawg Thawj Coj thiab yog tsis hais qhia rau tus Executive Loo PajTha ua ntej seb yog vim li cas mus tsis tau thiab ua ntej lub rooj sibtham ntawd tsis tau txais kev tso cai los ntawm Pab Pawg Thawj Coj pov npav tso cai hais tias qhaj tau no ces muab suav tau hais tias qhaj yam uas tsis tau kev tso cai. Koj raug rho tawm koj txoj haujlwm yog hais tias koj qhaj txog peb zaug uas tsis tau kev tso cai lub sijhawm koj tuav txoj haujlwm rau hoobkhas loj.
4. Coj lub rooj sibtham rau cov tswv cuab, cov rooj sibtham loj, cov koom txoos sibtham, thiab lwm cov koom txoos hauv lub Koomhaum thaum twg uas muaj.
5. Sawv cev rau lub Koomhaum thaum tawm rooj, thaum tawm rau hauv xov xwm thiab rau ntawm cov rooj sibtham, cov rooj sibtham loj, lossis cov koom txoos sibtham ntawm lwm lub koomhaum uas lub Koomhaum no muaj kev siv koom tes ua ke nrog; thiab feem ntau yog tus cev ncauj cev lus rau lub Koomhaum.
6. Txais neeg ua haujlwm, hlawv, cob rau thiab tawm qhia lub Koomhaum no cov neeg ua haujlwm kom ua raws li cov lus sib khom haum xeeb, cov kevcai, cov kevcai lij choj, thiab kev khoo; hais txog ntawm cov kevcai siv rau cov neeg ua haujlwm muab los siv ntawm Pab Pawg Thawj Coj; thiab siv nyiaj khiav lub koomhaum kom mus raws li kev pom zoo pob nyiaj los ntawm Pab Pawg Thawj Coj.
7. Hu lub rooj sibtham tshwj xeeb rau ntawm Pab Pawg Thawj Coj, cov tswv cuab, lossis ib pab pawg twg xwb thiab lwm cov neeg hauv lub Koomhaum, raws li muaj.

8. Nrog rau cov Executive Loo PajTha, kos npe rau tshev, cov ntawv lus nqi, ntaub ntawv nyiaj txiag, thiab lus pom zoo, nyob ntawm seb cov kecvai hais li cas rau Pab Pawg Thawj Coj thiab Txoj Kevcai Tswj thiab Cov Kevcai Siv Rau Tswv Cuab.

9. Kos npe rau tag nrho cov lus sib khom sib hais tau haum xeeb ua lub Koomhaum tus neeg sawv cev tom qab sib hais txhua yam tag lawm los ntawm cov tswv cuab thiab cov neeg ua haujlwm uas yog cov nrog sib hais thiab/lossis neeg ua haujlwm.

10. Pov npav txiav txim rau txhua yam uas los poob rau Pab Pawg Thawj Coj ua tus los mus nrog pov npav xaiv txiav txim;

11. Ua kom tag txhua yam raws li nws lub hoobkhas xav tau thiab raws li Txoj Kevcai Tswj thiab Cov Kevcai Siv Rau Koomhaum.

12. Yuav tsum tham tawm txhua xyoo rau Pab Pawg Thawj Coj nrog saib seb yuav muab nyiaj siv li cas, sibtham thiab txiav txim kawg nkaus muab ua dhau los mus siv.

13. Ua ib tug Thawj Coj Loj Tshaj Plaws, ua lub Koomhaum thawj tug neeg sawv cev rau SEIU Koom Txoos Sibtham Ntiaj Teb thiab rau tag nrho lwm cov rooj loj sibtham thiab koom txoos sibtham uas lub Koomhaum no tsim nyog mus koom.

14. Ua ib tug ntawm cov thawj coj rau txhua pab pawg ua muaj nyob rau lub Koomhaum, tsuas tsis yog pab pawg tswj txoj kev pov npav xaiv thawj coj xwb.

15. Nyob ntawm txoj kev tso cai pom zoo ntawm Pab Pawg Thawj Coj, los mus tsim tsa cov pab pawg thiab xaiv neeg sawv cev rau cov pab pawg, tsa sawv lossis thaum tsim nyog, yuav tsum ua thiaj li raug cov tswv cuab siab lossis pab lub Koomhaum kom haujlwm mus taus zoo dua.

16. Tus PajTha yuav tsum coj tus cwj pwm paub haujlwm tas li thiab xav kom tau qhov zoo tshaj rau lub Koomhaum thiab nws cov tswv cuab, tswj yus tus kheej zoo tsis txhob ua tej yam uas yuav puas tsuaj rau cov tswv cuab thiab ua ncaj ncees raws li cov lus uas tau Tsa Tes Cog Tseg Thaum Los Mus Lees Haujlwm. Yog hais tias ua tsis tau ces tej zaum yuav raug foob vim ua tsis tau raws li tau cog tseg thiab tej zaum tseem yuav raug tshem tawm haujlwm raws li cov txhaj txheem nyob rau Nqe Lus XII.

17. Tus PajTha yeej faib tau nws cov haujlwm no rau lwm tus Thawj Coj lossis ib tug neeg ua haujlwm, tsuas tsis yog qhov kos npe rau tshev xwb.

18. Tus PajTha muaj txoj cai los mus txhab txhais Txoj Kevcai Tswj thiab Cov Kevcai Siv Rau Tswv Cuab no kom meej zog yog hais tias muaj tej nqe hais tau dav dav, nyob ntawm txoj kev pom zoo ntawm Pab Pawg Thawj Coj.

G. Pab Pawg Thawj Coj

Pab Pawg Thawj Coj yuav tsum muaj tag nrho cov neeg uas raug xaiv Sawv Cev Rau ib Tshooj, cov Loo PajTha Rau Sab Teb Chaws, cov Thawj Loo PajTha, cov Executive Loo PajTha thiab tus PajTha.

1. Rooj Sibtham

Pab Pawg Thawj Coj yuav tsum tuav cov rooj sibtham yam tsawg kawg kiag plaub (4) zaug tauj ib xyoos uas tsis tas yuav tau ua ntawv tab haj qhia txog tsuas yuav li txoj Kevcai Tswj no hais xwb uas tuav lub rooj sijtham ntawd rau tib lub sijhawm thiab tib hnuv qub uas tus PajTha tau xaiv tseg lawm. Pab Pawg Thawj Coj yeej tuav tau lwm lub rooj sibtham rau tib lub sijhawm thiab tib qho chaw uas tus PajTha txiav txim. Cov rooj sibtham no raug nqi li cas lub Koomhaum mam li them. Tag nrho cov lus tham rau Pab Pawg Thawj Coj lub rooj sibtham yuav tsum muab kaw cia thiab sau tawm qhia rau sau lub rooj sibtham tom ntej. Tag nrho cov tswv cuab uas tseem “nyob rau qhov zoo” tuaj koom tau thiab tuaj mloog tau lub rooj sibtham ntawm Pab Pawg Thawj Coj tsuas yog tau hais ib los qhia rau tus PajTha paub ua ntej xwb los ntawm tus tswv cuab thiab qhia hais tias tus tswv cuab no yuav tuaj saib tag nrho cov txhaj txheem sibtham, cov nqe lus tham thiab txoj kev coj ntawm Pab Pawg Thawj Coj. Pab Pawg Thawj Coj yeej tuav tau ib lub rooj sibtham rau lawv cov thawj coj nkaus nkaus xwb los mus tham txog thiab txiav txim rau tej teeb meem hais txog nyiaj xiaj, vaj tse thiab lwm yam khoom uas siv nyiaj nqis peev, lus plaub ntug lossis rau ntawm lwm yam zoo uas yuav kom Pab Pawg Thawj Coj ua tus los mus pov npav txiav txim rau seb cov coob pom zoo li cas.

2. Siv Lwm Txoj Hau Kev Ua Txoj Haujlwm

Thaum twg tus PajTha pom zoo li no, Pab Pawg Thawj Coj tuaj hauv xovtooj tuaj sibtham xwb los tau, xa ntawv saum huab cua tuaj mus, sibtham hauv koob thaj duab, lossis lwm txoj hau kev uas siv tau los mus sibtham. Yog cov coob ntawm Pab Pawg Thawj Coj pov npav pom zoo ua li no ces txhais tau hais tias ua tau txoj haujlwm raws kevcai lawm los ntawm Pab Pawg Thawj Coj. Yuav tsum muab kaw cia yog hais tias ua li no, yuav tsum muab sau coj los qhia tawm rau saum lub rooj sibtham tom ntej ntawm Pab Pawg Thawj Coj.

3. Neeg Puas Txaus Tham Mus thiab Cov Ntsiab Lus Tham

Cov coob ntawm Pab Pawg Thawj Coj tuaj nyob rau ntawd ces txoj kevcai tso cai hais tias neeg txaus tham tau lag luam lawm. Tus PajTha yuav tsum npaj cov ntsiab lus sibtham rau txhua lub rooj sibtham ntawm Pab Pawg Thawj Coj. Pab Pawg Thawj Coj ntxiv tau, rho tawm tau, lossis rov muab cov ntsiab lus tham kho dua tshiab yog hais tias cov coob pov npav pom zoo.

4. Muaj Cai

Pab Pawg Thawj Coj muaj cov haujlwm raws li tom qab no:

- a. Yuav tsum ua cov haujlwm no raws nraim li Lub Hom Phiaj Txoj Kev Coj, Lub Zeem Muag thiab Txoj Kev Sib Hwm Qhov Tseem Ceeb ntawm SEIU Hauv Zos No 2015.
- b. Tsim tsa kom tau cov pab pawg ua haujlwm, cov pab pawg tsim nyog thaum twg muaj haujlwm tshwm sim, cov sab teb chaws, cov koom txoos sawv daws tuaj ua ke, cov neeg sawv cev thiab lwm pab pawg neeg uas lub Koomhaum no yuav tsum tsa los ua kom haujlwm tiav.
- c. Pov npav los mus xaiv yuav lossis xaiv tawm neeg los mus ua txoj haujlwm thawj coj uas tsis muaj neeg tuav lawm.
- d. Tso cai rau lossis tsis tso cai rau sawv daws tawm tsam ua ke tsis kam ua haujlwm lawm thiab kho cov ntaub ntawv cog lus raws li cov kevcai uas tau teev tseg nyob rau hauv Nqe Lus VIII ntawm Txoj Kevcai Tswj thiab Cov Kevcai Siv Rau Koomhaum no.
- e. Xaiv ib pab neeg los mus txiav plaub ntug muaj yeej muaj swb raws li hais meej rau hauv Nqe Lus XII, Koog D. ntawm Txoj Kevcai Tswj thiab Cov Kevcai Siv Rau Koomhaum no thiab nyob rau hauv Nqe Lus XVII ntawm Txoj Kevcai Tswj Ntiaj Teb thiab Cov Kevcai Siv Rau Koomhaum (lossis lwm nqe lus uas muaj zog tshaj).
- f. Yog tus pib, tiv thaiv, xaus, sib hais plaub ntug, tso tawm lossis them cov nqi thiab nqi hais plaub ntug lij choj lossis txoj kev ua ntawm qhov yus xav hais tias tsim nyog ua lossis txaus siab xav los tiv thaiv, ua kom kav ntev, txheem lossis coj mus kom zoo tshaj qhov qub ntawm lub Koomhaum thiab/lossis nws cov tswv cuab txoj kev xav tau.
- g. Muab dhau coj los siv txhua xyoo daim ntawv teev kev siv nyiaj txiag thiab tsim kom tau cov nyiaj thiab thab naskhas tuav nyiaj raws li tsim nyog rau cov neeg tuav haujlwm thiab khiav haujlwm rau cov nyiaj no, nyob ntawm txoj kev txiav txim yam uas muaj qhov siv tau los keb ntawm cov neeg tuav haujlwm thiab hloov kho li tus PajTha xav tau kom ua tau raws li Pab Pawg Thawj Coj lub siab xav thaum lawv tau muaj dhau los mus siv lawm thiab li thaum tsim tsa seb yuav siv cov nyiaj li cas, thab naskhas tuav nyiaj thiab cov nyiaj.
- h. Muab teev kom haum pob nyiaj uas yuav siv los mus them tus PajTha txhua xyoo.
- i. Muab cov nyiaj hauv lub Koomhaum no mus nqis peev thiab rov nqis peev dua xws li muab mus yuav av, vaj tse lossis rau tus kheej, yuav yam khoom tuav tau ntawm tes lossis coj mus yuav lub tswvyim, yuav yog ib qho xam tau hais tias siv xyuam xim rau yav pem suab, tsim nyog, thiab raws li lub Koomhaum thiab nws cov tswv cuab txoj kev xav.
- j. Ntiaj ib tug neeg los mus ua txoj haujlwm taug qab thiab kuaj cov ntaub ntawv thiab ntaub ntawv siv nyiaj ntawm lub Koomhaum los ntawm ib tug neeg sab nrauv uas Kawm Tawm Los Mus Tuav Nyiaj Txiag yam tsawg kawg kiag ib xyoos ib zaug.
- k. Muab los saib thiab tso cai seb teeb tau li cas, kevcai lij choj, thiab kevcai tswj tag nrho cov kev txiav txim, Kho Txoj Kevcai Tswj, thiab lwm yam teeb meem uas yuav kom cov tswv cuab los mus pov npav xaiv.

H. Txoj Haujlwm qhib thaum uas tsis muaj neeg tuav lawm

1. Txoj haujlwm qhib tsis muaj neeg tuav ua tus PajTha, Executive Loo PajTha, thiab Thawj Loo PajTha

Thaum twg uas tsis muaj neeg tuav txoj haujlwm ua tus Pajtha, Executive Loo PajTha, thiab Thawj Loo PajTha lawm, ces Pab Pawg Thawj Coj yuav tsum tso cai tus neeg uas tus PajTha tau xaiv tseg los mus tuav lub rooj ntawd, xaiv lwm tus los mus tuav lub rooj ntawd lossis tuav ib lub koom txoos tshwj xeeb los mus pov npav xaiv tsa ib tug neeg los tuav lub rooj ntawd kom tag lub caij nyoog. Yog hais tias Pab Pawg Thawj Coj txiav txim hais tias yuav tsum tuav ib lub koom txoos tshwj xeeb los mus pov npav xaiv tsa tus tshiab xwb thiaj li tau, no ces yuav tsum kom tag nrho cov tswv cuab nyob rau lub xeev uas nyob rau qhov tseem zoo, tuaj mus pov npav. Ib txoj haujlwm qhib uas tsis muaj neeg tuav yog hais tias nyob li ntawm 90 hnuv ua ntej lub caij nyoog pov npav xaiv phaum thawj coj tshiab rov los txog no ces yuav muab qhov no ntxiv rau txhaj txheem pov npav hauv zos.

2. Txoj haujlwm qhib tsis muaj neeg tuav ua tus Loo PajTha Rau Sab Teb Chaws thiab tus neeg Sawv Cev rau ib Tshooj

Thaum twg uas tsis muaj neeg tuav txoj haujlwm ua tus Loo PajTha Rau Sab Teb Chaws thiab tus neeg Sawv Cev rau ib Tshooj twg uas tseem tshuav lub sijhawm ntev dua 90 hnuv mam li rov los txog lub caij nyoog pov npav xaiv phaum thawj coj tshiab rau cov nyob hauv zos, pab pawg thawj coj nyob rau ntawm sab teb chaws ntawd thiab tshooj ntawd taw tau ib tug uas lawv pom zoo los mus tuav txoj haujlwm ntawd kom tag lub sijhawm. Tsuas pub cov pab pawg thawj coj uas tseem nyob rau qhov zoo uas nyob rau sab teb chaws ntawd lossis lub zos county uas txoj haujlwm qhib tsis muaj neeg tuav lawm thiaj li los mus pov npav xaiv tsa tau tus tshiab xwb. Ib txoj haujlwm qhib uas tsis muaj neeg tuav yog hais tias nyob li ntawm 90 hnuv ua ntej lub caij nyoog pov npav xaiv phaum thawj coj tshiab rov los txog no ces yuav muab qhov no ntxiv rau txhaj txheem pov npav hauv zos thiab tsuas pub cov tswv cuab uas tseem nyob rau qhov zoo uas nyob sab teb chaws ntawd lossis lub zos county ntawd uas muaj lub rooj no qhib thiaj li pov npav tau xwb.

NQE LUS X – Koom Txoos Sibtham thiab Rooj Sibtham rau cov Tswv Cuab

A. Koom Txoos Sibtham

Luv Koomhaum yuav tsum cav ib lub koom txoos sibtham yam tsawg kawg kiag peb (3) xyoos twg ib zaug uas lub sijhawm thiab hnuv thiab qhov chaw twg mam li cia rau Pab Pawg Thawj Coj txiav txim. Pab Pawg Thawj Coj mam li txiav txim seb yuav kom muaj kev koom tes li cas rau ntawm lub koom txoos sibtham. Yog lub luag haujlwm ntawm tus PajTha lossis tus neeg uas tus PajTha tau xaiv los mus saib xyuas kom lub koom txoos sibtham muaj daim ntawv teev cov ntsiab lus tham, muaj ntaub ntawv kaw cia seb tham li cas thiab seb cov neeg tuaj koom yog leej twg nrog rau cov khoom los mus txhawb. Tag nrho cov ntaub ntawv no yuav tsum muab cob rau tus Loo PajTha Rau Sab Teb Chaws.

B. Membership Meetings

Ib tshooj twg thiab/lossis chaw ua haujlwm nyias yuav tsum muaj nyias ib lub rooj sibtham rau cov tswv cuab yam tsawg kawg kiag ib zaug tauj ob lub hlis. Tab sis mas, tus Pajtha muaj cai teem lwm yam rau lub sijhawm ntawd lossis muab qhov no tshem tawm tau. Cov neeg sawv cev rau xaiv haujlwm yuav tsum tuaj sib ntsib ob zaug twg tauj ib xyoos. Tsawg kawg kiag ib xyoos ib zaug, cav ib lub koom txoos kom tag nrho cov neeg hauv lub xeev lossis ib sab teb chaws twg tuaj mus ua ke. Lub luag haujlwm yuav poob rau txhua tus neeg uas yog tus los coj cov rooj sibtham ntawd nyias yuav tsum muaj nyias ib daim ntawv teev cov ntsiab lus tham, kaw cia cov lus sibtham thiab cov neeg uas tuaj koom nrog rau tag nrho cov khoom siv los mus txhawb. Tag nrho cov ntaub ntawv no yuav tsum muab coj mus cob rau tus thawj coj nyob rau Tshooj ntawd lossis tus uas nyob rau Sab Teb Chaws ntawd.

NQE LUS XI – Xaiv Neeg Los Mus Khiav ua Ib Tug Thawj Coj thiab Pov Npav Xaiv Thawj Coj rau Lub Xeev, Pab Pawg Thawj Coj Sawv Cev thib cov Loo PajTha rau Sab Teb Chaws

A. Yuav Xaiv Li Cas thiab Hnub Pov Npav

Tus PajTha, cov Executive Loo PajTha, cov Thawj Loo PajTha, cov Loo PajTha rau Sab Teb Chaws thiab Pab Pawg Thawj Coj Sawv Cev rau ib Tshooj twg yuav raug xaiv peb (3) lub xyoos twg ib zaug los ntawm cov tswv cuab nyob rau Hauv Zos No 2015 uas yog cov tseem nyob rau qhov zoo uas lawv pov npav xaiv thawj coj tsis pub leej twg paub. Txhua tus neeg uas raug xaiv taw los ua ib tug sawv dawv pov npav xaiv rau leej twg tau tus lej siab tshaj ces tus ntawd yog tus raug xaiv los tuav txoj haujlwm ntawd.

B. Pab Pawg Los Mus Tswj Txoj Haujlwm Pov Npav Xaiv Thawj Coj

Pov Npav xaiv thawj coj rau ib lub xeev, xaiv Loo PajTha Rau Sab Teb Chaws, thiab xaiv Pab Pawg Thawj Coj Sawv Cev rau ib Tshooj qhov haujlwm no yuav muab tso rau pab pawg tswj pov npav xaiv thawj coj, tus PajTha yog tus los xaiv cov neeg ua txoj haujlwm no, nrog rau pab pawg thawj coj. Pab Pawg tswj txoj haujlwm pov npav xaiv thawj coj no yuav tsum los mus khoo saib xyuas thiab xaiv taw seb leej twg tsim nyog los ua tau txoj haujlwm thawj coj twg thiab khiav lub koom txoos pov npav xaiv thawj coj kom raws li Txoj Kevcai Tswj thiab Cov Kevcai Sib Rau Koomhaum no, raws li SEIU Txoj Kevcai Tswj thiab Cov Kevcai Siv Rau Koomhaum, thiab raws tag nrho cov kevcai lij choj uas muaj. Txhua tus tswv cuab twg uas tseem nyob rau qhov zoo thiab ua haujlwm rau chav uas muaj lub Koomhaum Hauv Zos No 2015 yog tus mus sawv cev sib khom lus rau, thiab yog nws tsis yog ib tug ntawm cov raug xaiv los mus ua thawj coj, ces yeej tsim nyog ua tau ib tug neeg nyob rau Pab Pawg tswj txoj haujlwm pov npav xaiv thawj coj no. Pab Pawg tswj txoj haujlwm pov npav xaiv thawj coj sib tawm tswv yim seb cov neeg uas lawv xaiv tau los rau sawv daws xaiv los ua thawj coj no, muab nthuav tawm qhia rau sawv daws seb nws yog leej twg, muab sau yais tawm qhia rau cov tswv cuab, thiab thaum thov txog lawm, lossis muab xa nrog daim npav hauv pais xabnis, lossis ua tej phaum ntawv txog tus neeg ntawd tso rau hauv lub hoobkhas Koomhaum lossis tso rau saum huab cua rau hauv lub vev xaij. Pab Pawg tswj txoj haujlwm pov npav xaiv thawj coj no yuav tsum sau ntawv qhia txog txhua tus neeg uas lawv xaiv no thiab seb txoj kev sawv daws tuaj mus pov npav yuav mus li cas, teev meej seb muaj pes tsawg lub rooj rau tus Thawj Coj Sawv Cev Rau Ib Tshooj rau ib lub zos county thiab pes tsawg

lub rooj rau tus Loo PajTha Rau ib Sab Teb Chaws raws li cov lej coj los laij rau txhua qhov uas nyob rau hauv Nqe Lus IX, Koog B thiab C, raws li no

C. Tsim Nyog

Pab Pawg tswj txoj haujlwm pov npav xaiv thawj coj yuav tsum txiav txim seb tus neeg uas lawv xaiv los mus ua thawj coj no nws yuav tsum nyob rau hauv Koomhaum ua ib tug tswv cuab nyob rau qhov uas zoo txij hnuv twg los lawm es thiaj li tsim nyog raug xaiv los ua ib tug ntawm cov sawv daws yuav xaiv los ua thawj coj lossis pov npav xaiv ua ib tug thawj coj lossis Sawv cev ua ib tug ntawm Pab Pawg Thawj Coj. Yuav tsum ua li no thiaj li rub tau sawv daws txoj kev koom tes thiab saib xyuas kom tag nrho cov tswv cuab uas nyob rau qhov zoo uas tsim nyog rau xaiv los muaj kev ncaj ncees ib yam, raws li hauv zos no thiaj li yuav muab rau los saib pab lawv txiav txim.

Yuav kom tsim nyog raug xaiv los ua ib tug rau sawv daws pov npav xaiv ua tus PajTha, tus Executive Loo PajTha, tus Thawj Loo PajTha, tus Loo PajTha rau Sab Teb Chaws lossis Pab Pawg Thawj Coj Sawv Cev rau ib Tshooj, tus tswv cuab ntawd yuav tsum nyob rau qhov zoo tas li rau hauv lub Koomhaum mus li ib xyoos lawm. Hos rau pov npav los mus xaiv ib tug Loo PajTha rau Sab Teb Chaws, tus neeg lawv xaiv ntawd yuav tsum nyob rau Sab Teb Chaws uas nws xav los ua tus thawj coj rau, lossis yog hais tias nws ua haujlwm rau lwm lub tuam txhab, lub tuam txhab nws ua haujlwm rau yuav tsum nyob rau Sab Teb Chaws uas nws xav los khiav ua tus thawj coj rau. Yuav kom tsim nyog tau 35 qhov xaiv lossis pov npav xaiv ua ib tug ntawm Pab Pawg Thawj Coj Sawv Cev rau ib Tshooj, tus neeg ntawd yuav tsum nyob rau lub zos county ntawd uas nws xav los khiav rau, lossis yog hais tias nws ua haujlwm rau lwm lub tuam txhab, lub tuam txhab nws ua haujlwm rau yuav tsum nyob rau hauv lub zos county uas nws xav los khiav ua ib tug ntawm Pab Pawg Thawj Coj ntawd.

Txuas ntxiv mus, ib tug neeg twg ua nws tau ua txhaum ib lub txim loj lawm raws li teev meej rau hauv Koog 504 nyob rau ntawm Landrum-Griffin Txoj Cai, raws li cov kevcai los mus nrog khoo txoj cai, tus neeg no yuav tsis tsim nyog ua tau ib tug uas raug xaiv los rau sawv daws pov npav rau lossis los mus khiav ua ib tug thawj coj rau sawv daws pov npav xaiv tsis tau raws li tau teev tseg nyob rau koog no.

D. Ua Ntawv Qhia Txog Txoj Kev Xaiv Taw ib Tug Neeg los mus Khiav ua Thawj Coj thiab Pov Npav Xaiv Thawj Coj

Cov tswv cuab uas tseem nyob rau qhov zoo yuav tau txais ib daim ntawv rau yus xaiv ib tug neeg los mus khiav ua thawj coj thiab daim ntawv qhia txog txoj kev yuav los mus pov npav xaiv thawj coj li cas uas yog npaj los ntawm Pab Pawg tswj txoj haujlwm pov npav. Daim ntawv no yuav muab xa hauv pais xabnis rau tag nrho cov tswv cuab uas tseem nyob rau qhov zoo rau lawv qhov chaw nyob raws li peb tau, yuav xa rau cov tswv cuab nas nkaum ib (21) hnuv ua ntej lub caij nyoog lis daim ntawv xaiv yus tus neeg ntawd kaw. Daim ntawv xa tuaj rau sawv daws yeej yuav teev rau hauv seb lub rooj thawj coj twg qhib nrog rau cov tes num uas txoj haujlwm ntawd muaj thiab seb tus neeg zoo li cas thiaj li tsim nyog ua ib tug los mus khiav.

E. Xaiv Neeg Los Mus Khiav ua ib tug Thawj Coj

Xaiv Neeg Los Mus Khiav ua Ib Tug Thawj Coj yuav tsum ua ntawv sau tuaj nyob rau Hauv Zos No 2015 daim ntawv lis, tso tug neeg uas koj xaiv ntawd lub npe thiab seb txoj haujlwm twg nrog rau cov tes num uas txoj haujlwm no muaj, rau tus neeg uas koj xaiv tuaj. Txhua tus neeg uas raug xaiv los mus khiav ua ib tug thawj coj yuav tsum kos npe thwj toob rau ib daim ntawv los ntawm Hauv Zos No 2015, hais nws lo lus lees txais qhov uas nws raug xaiv thiab cog lus ua tau txoj haujlwm yog hais tias thaum kawg nws yog tus sawv daws pov npav rau yeej thiab saib kom meej tseeb hais tias nws tsim nyog ua ib tug uas raug xaiv thiab ua txhua yam haujlwm uas lub hoobkhas xav tau los ntawm nws. Daim ntawv lis los mus Xaiv neeg khiav ua thawj coj yuav tsum muaj raws li cov tom qab no:

1. Rau ntawm txoj haujlwm PajTha, Executive Loo PajTha thiab Thawj Loo PajTha, daim ntawv lis yuav tsum muaj kos npe thwj toob los ntawm tsawg kawg kiag yim caum (80) Hauv Zos No 2015 tus tswv cuab uas nyob rau qhov zoo, nrog rau tsawg kawg kiag kaum ob (12) lub npe kos thwj toob los ntawm cov tswv cuab uas nyob rau qhov zoo uas nyob rau Sab Teb Chaws ntawd thiab yim (8) lub npe kos thwj toob ntawd rau los ntawm cov tswv cuab uas nyob rau qhov zoo uas nyob hauv lub Koomhaum thoob plaws.
2. Rau ntawm txoj haujlwm Loo PajTha rau Sab Teb Chaws, daim ntawv lis yuav tsum muaj kos npe thwj toob los ntawm tsawg kawg kiag nas nkaum tsib (25) Hauv Zos No 2015 cov tswv cuab uas nyob rau qhov zoo uas nyob rau Sab Teb Chaws xaiv ntawd.
3. Rau ntawm txoj haujlwm Pab Pawg Thawj Coj Sawv Cev rau ib Tshooj, daim ntawv lis yuav tsum muaj kos npe thwj toob los ntawm tsawg kawg kiag tsib (5) Hauv Zos No 2015 cov tswv cuab uas nyob rau qhov zoo uas nyob rau lub zos county xaiv ntawd.

Yuav muaj ib daim ntawv du du lis xaiv neeg khiav ua thawj coj muaj muab tuaj thiab. Txhua lub npe kos rau ntawm daim ntawv du du no ces yuav muab suav rau tus neeg uas raug xaiv rau txoj haujlwm ntawd, tab sis yuav kom txhua lub npe kos ntawd thwj toob raws li cov lus saum toj no a-c.

Cov npe kos yuav xam tau hais tias thwj toob yog hais tias tus neeg ntawd yog ib tug tswv cuab nyob rau qhov zoo hauv lub Koomhaum Hauv Zos No 2015 raws li cov hnuv tsim tsa los ntawm Pab Pawj Tswj Txoj Haujlwm Pov Npav.

F. Txiaiv Txim Seb Puas Tsim Nyog

Txoj kev yuav los txiaiv txim seb puas tsim nyog no ces cia rau Pab Pawg Tswj Txoj Haujlwm Pov Npav tom qab ib (1) lub lim tiam uas peb kaw lub sijhawm xaiv neeg lawm.

Cov neeg uas raug xaiv los khiav ua thawj coj uas poob rau qhov hais tias tsis tsim nyog ces mam li sau ntawv mus qhia lawv sai li sai tau txog qhov kev txiaiv txim los ntawm pab pawg tswj txoj haujlwm pov npav no thiab seb yog lawv tsis txaus siab lawv xav tawm tsam txoj kev txiam txim no li cas.

Txoj kev tawm tsam qhov kev txiav txim yuav tsum muab sau ua ntawv thiab xa rau Pab Pawg Tswj Txoj Haujlwm Pov Npav, xa hauv pais xabnis mus kom muaj daim tw xa thwj toob certified hais tias txais tau lawm thiab yuav tsum ntaus thwj hnuv rau tsis pub dhau ob (2) hnuv tom qab txais tau tsab ntawv ntawm Pab Pawg Tswj Txoj Haujlwm Pov Npav qhia txog lawv txoj kev txiam txim. Yog tsis ua li txhua yam teev rau ntawm no ces tsis muaj cai ntxiv yuav los mus tawm tsam tau txoj kev txiav txim lawm.

G. Tsuas Pub Txoj Txij li cas xwb txog ntawm Xaiv Neeg Los Mus Khiav ua ib tug Thawj Coj

Ib tug tswv cuab los mus khiav tsis tau rau tshaj ib (1) txoj haujlwm nyob rau tib lub rooj pov npav. Yog leej twg lis ntawv xaiv neeg thiab daim ntawv lees teev meej los ntawm tus neeg ntawd rau tshaj ib (1) txoj haujlwm, ces ob daim ntawv lis rau ob txoj haujlwm yuav raug tshem tawm.

H. Tsis Muaj Qhov Tsis Pom Zoo los ntawm Tus Neeg Raug Xaiv

Yog hais tias ib tug neeg twg uas nws raug xaiv lawm thwj toob raws li txoj cai teev tseg hauv Txoj Kevcai Tswj thiab Cov Kevcai Siv Rau Koomhaum no es nws tsis muaj qhov tsis pom zoo, ces xam tau hais tias nws yog ib tug xaiv tau los mus khiav lawm.

I. Kev Sib Tw

Tus neeg raug xaiv uas tau kev tso cai los ntawm Pab Pawg Tswj Txoj Haujlwm Pov Npav no hais tias nws tsim nyog lawm, nws muaj txoj cai, raug nqi li cas los nws lav nws, yais tawm ntaub ntawv sib tw txog nws tus kheej rau cov tswv cuab uas nyob rau qhov zoo.

Nyob rau ntawm peb caug (30) hnuv ua ntej hnuv pov npav xaiv thawj coj ces pub ib zaug, rau tus neeg sib tw no los mus saib tag nrho cov npe thiab chaw nyob raws li qhov peb tau ntawm cov tswv cuab uas nyob rau qhov zoo.

Pab Pawg Tswj Txoj Haujlwm Pov Npav no tsis pub kom lawv nyiam ib tug tsis nyiam ib tug hais txog qhov uas yuav cia cov neeg sib tw no saib cov npe ntawm cov tswv cuab lossis txoj kev yuav muab yais tawm no.

J. Kev Txhawb Nyiaj Txiag

Txwv tsis pub cov neeg sib tw lossis cov neeg pab lawv mus thov nyiaj lossis txais lwm tus neeg cov nyiaj uas tsis yog ib tug tswv cuab nyob rau hauv SEIU, thiab yog ua txhaum qhov no ces yuav tsis pub nws sib tw lawm.

Txhua tus neeg los mus sib tw thwj toob yuav tsum muaj ntaub ntawv cais meem seb cov nyiaj nws sau tau los qhov twg los, yuav tsum muaj tus neeg muab nyiaj lub npe, nws lub koomhaum SEIU hauv zos no lub npe, hnuv nws muab qhov nyiaj thiab muab npaum li cas. Cov ntaub ntawv no yuav tsum muaj txhua lub sijhawm yog hais tias Pab Pawg Tswj Txoj Haujlwm Pov Npav no xav pom.

K. Pov Npav Xaiv Thawj Coj

Ntawm ib txoj haujlwm twg yog hais tias muaj tshaj ib (1) tug neeg los sib tw lub rooj ntawd thwj toob raws li txoj kevcai tswj thiab cov kevcai siv rau koomhaum no, ces yuav ua qhov pov npav tsis pub leej twg paub

Cov sib tw lub rooj PajTha, Executive Loo PajTha, thiab Thawj Loo PajTha ces sawv dawv pov npav rau. Cov sib tw lub rooj Loo PajTha Sab Teb Chaws ces cov neeg uas nyob rau nws Sab Teb Chaws mam pov npav rau. Cov sib tw lub rooj ua ib tug ntawm Pab Pawg Thawj Coj Sawv Cev rau ib Tshooj ces cov neeg nyob rau lub zos county ntawd mam pov npav rau. Sai li sai tau, tom qab qhov xaiv tau cov neeg yuav los mus sib tw khiav ua thawj coj lawm, Pab pawg tswj txoj haujlwm pov npav mam li npaj cov npav, teev tag nrho cov neeg sib tw lub npe ua raws li Txoj Kevcai Tswj thiab Cov Kevcai siv rau Koomhaum no, ces muab xa hauv pais xabnis mus nrog rau ib lub hnav ntawv rau lawv daim npav xa rov qab tuaj, xa rau txhua tus tswv cuab uas nyob rau qhov zoo rau ntawm lawv qhov chaw nyob uas peb tau, luv kawg kiag yuav xa tawm nas nkaum ib (21) hnuv ua ntej kaw qhov pov npav xaiv thawj coj. Nyob rau hauv cov npav uas xa tawm yuav muaj tus neeg lub npe, nws khiav rau txoj haujlwm twg thiab nws nyob rau sab teb chaws twg lossis lub zos county twg, yog hais tias muaj tshaj ib (1) tug neeg sib tw rau lub rooj ntawd.

Tsis pub sau npe xaiv lwm tus neeg rau daim npav.

Xa daim npav rov qab hauv pais xabnis tuaj rau peb thiab yuav muab cov npav no ceev zoo kom txog hnuv los mus suav.

Daim npav twg tsis rov qav los txog peb rau hnuv peb kaw tsis txais npav lawm, ces daim ntawd yuav tsis suav thiab yuav muab tshem tawm tsis yuav.

Pab Pawg tswj txoj haujlwm pov npav mam li suav cov npav ntawm txhua tus tswv cuab uas tseem nyob rau qhov zoo lossis ntiav ib lub tuam txhab sab nrauv tuaj ua tus nyob nruab nrab suav cov npav es lawv mam nrog saib. Cov neeg sib tw thwj toob thiab lwm cov tswv cuab uas tseem nyob rau qhov zoo, pub lawv saib thaum suav cov npav.

Tus neeg sib tw rau txoj haujlwm twg uas tau tus lej siab tshaj plaws los ntawm cov npav rau lub rooj ntawd ces yuav yog tus yeej. Ib txoj haujlwm twg yog hais tias muaj tshaj ib (1) lub rooj qhib, xws li Pab Pawg Thawj Coj Sawv Cev rau ib Tshooj thiab Loo PajTha rau Sab Teb Chaws, cov neeg sib tw ntawd, leej twg tau npav ntau tshaj ces leej twg yeej lub rooj ntawd kom tsis tshuav rooj lawm.

Pab Pawg Tswj Txoj Haujlwm Pov Npav mam li sau ntawv qhia tawm thwj toob rau sawv daws paub seb leej twg yeej.

Pab Pawg Tswj Txoj Haujlwm Pov Npav muaj cai txiav txim rau ntawm tag nrho cov lus nug txog txoj kev pov npav thiab nyuaj qhov twg thaum pov npav xaiv thawj coj no.

L. Nruab

Nruab ib tug Thawj Coj thiab Pab Pawg Thawj Coj Sawv Cev rau ib Tshooj yuav tshwm sim sai li sai tau, tsis pub tshaj peb caug (30) hnuv tom qab pov npav xaiv thawj coj thwj toob tag lawm.

M. Kev Ceev Ntaub Ntawv

Hauv Zos No 2015 yuav ceeb tag nrho cov npav thiab ntaub ntawv ntawm qhov pov npav xaiv thawj coj no must sis pub tsawg tshaj ib (1) lub xyoo tom qab pov npav tag lawm.

N. Ua Ib Tug Tswv Cuab Tsis Tsim Nyog

Cov tswv cuab uas muaj feem cuam, cov tswv cuab uas raug txav chaw lawm, cov tswv cuab uas so haujlwm lawm thiab lwm hom tswv cuab uas tsis yog ib tug tswv cuab li sawv daws raws li teev meej nyob rau hauv Nqe Lus IV, Koog A.1. yuav kos npe tsis tau rau daim ntawv xaiv neeg los mus khiav ua thawj coj, pov npav tsis tau lossis ua tsis tau ib tug yuav los mus sib tw ua thawj coj.

NQE LUS XII – Txheej Txheem Cai Sib Hais

A. Mus Sib Hais Plaub Ntug & Txoj Kev Yuav Los Mus Tawm Tsam Kev Txiaiv Txim

Yog SEIU Hauv Zos No 2015 lub hom phiaj ua kom muaj kev ywj pheej ncaj ncees thiab txheej txheem ua kom zoo li zoo tau rau nws cov tswv cuab kom thiaj li hnov thiab txiaiv txim tau txoj kev ntsawv siab, tsis txaus siab thiab/lossis foob thiab tawm tsam (txij no mus yuav muab tag nrho hu ua “Tsis Txaus Siab”) los ntawm lossis tauj xub ib tug tswv cuab lossis Thawj Coj.

B. Yuav Tsum Muaj li No Thiaj li Foob Tau

Ua ntej yuav ua daim ntawv foob tsis txaus siab yuav tsum muaj raws li no: Ib tug tswv cuab tsis ncaj ncees rau lub Koomhaum; tsis keej txaus, tsis ua raws li tus loj lossis tsis ua ib tug tswv cuab zoo lossis tus Thawj Coj ua cov haujlwm uas tau muab cob rau nws lub hoobkhas lossis nws txoj haujlwm, coj tsis ncaj lossis tsis coj raws cai, nrog tsim tsa lwm lub koomhaum; Ua yam kom lub Koomhaum puas npe; ua txhaum SEIU Hauv Zos No 2015 Txoj Kevcai Tswj thiab Cov Kevcai Siv Rau Koomhaum, lossis ua txhaum ib txoj kev txiam txim, khoo ua lossis ua li ib tug Thawj Coj hais lossis Pab Pawg Thawj Coj ntawm Hauv Zos No 2015 uas mus dav heev lawm; tsis ua li cov kev haum xeev uas khom tau; Ua txhaum lub Koomhaum txoj kev txiaiv txim; ua haujlwm qab rooj; tsis koom tes tawm tsam qhov uas tsis kam mus ua haujlwm lossis txhaum txoj cai nyiaj hli lossis kev ua haujlwm raws li lub Koomhaum twb teeb tau tseg lawm lossis ua tau tej yam uas yuav los rhuav tseg qhov zoo thiab sawv daws txoj kev nyab xeeb.

C. Txoj Kev Mus Cuam Phaj Foob Ib Tug Neeg Twg

Yuav foob ib tug tswv cuab twg lossis ib tug Thawj Coj nyob rau Hauv Zos No 2015 yuav ua ntawv foob nrog tus PajTha ntawm Hauv Zos No 2015, uas nws muab ib daim qauv ntawm daim ntawv foob no mus coj mus cob rau tus neeg uas raug foob lossis xa thwj toob certified hauv pais xabnis mus, xa mus rau qhov chaw nyob ua nyob rau hauv ntaub ntawv rau tus neeg uas raug foob, tsis pub tsawg tshaj kaum (10) hnuv ua ntej tuaj mus sib hais plaub txog ntawm daim ntawv foob. Daim ntawv foob yuav tsum teev meej seb tshwm sim rau hnuv twg lossis qhov tus

neeg ntawd tau ua txhaum txoj kevcai li cas es thiaj li yuav foob thiab yuav tsum tau teev meej seb tau ua txhaum qhov txoj cai twg raws li cov teev tseg rau ntawm Koog B ntawm Nqe Lus no uas tus neeg ua ntawv foob no ntseeg tau hais tias ua txhaum lawm tiag. Yog hais tias cov lus foob no tsis muab teev meej, ces cov neeg uas los nrog hais plaub ntug muab lawb tau txawm yuav lawb ua ntej lossis tom qab twb tuaj sib hais tag lawm, tab sis tus neeg cuam phaj foob no, nws muaj cai rov qab teev dua ntawv tshiab foob dua tuaj, teev kom meej dua qhov qub kom raws li txoj kevcai ua ntawv foob li teev tseg rau ntawm koog no. Yog hais tias qhov teeb meem foob ib tug neeg twb dhau los ntev tshaj rau (6) lub hlis lawm suav txij hnuv tus foob paub txog qhov ua txhaum ntawd no ces tsis pub hais lawm.

D. Tus Los Mus Nrog Hais Plaub Ntug

Pab Pawg Thawj Coj mam li xaiv ib tug neeg twg uas nws nyob nruab nrab. Tus neeg uas raug foob yeej tuaj tau tim ntsej tim ntsej thiab nrog nws cov lav tham tuaj teb cov lus foob nws thiab yuav tsum cia nws tuaj hais nws sab and ua kom ncaj ncees rau nws. Tus neeg uas raug foob no nws muaj cai xaiv ib tug tswv cuab nyob rau Hauv Zos No 2015 tuaj sawv cev rau tus neeg uas raug foob thaum tuaj mus txheem rooj plaub.

Yog hais tias cov lus foob no, lossis ib qho ntawm cov lus no, hais mus tsis muaj qhov xaus, ces tus kws txiav txim plaub ntug nrog tau tus PajTha nkawv cia li txiav txim lawm xwb thiab teem lub txij raws li Txoj Kevcai Tswj thiab Cov Kevcai Siv Rau Koomhaum no. Yog hais tias tus kws txiav txim pom tau hais tias tsim nyog, thaum teem txim lawm tiag yuav tau tshem ib tug thawj coj tawm ntawm nws txoj haujlwm, lossis, yog hais tias txoj kev txiav txim no tshwm sim rau thaum lub sijhawm uas tseem tshuav ntev tshaj ib puas thiab yim caum (180) hnuv ua ntej SEIU Hauv Zos No 2015 rov qab txog caij xaiv thawj coj tshiab, tus kws txiav txim no muaj qhov hais tias nws hais kom Pab Pawg Thawj Coj rub neeg los ua ke sib hais txog txoj kev pov npav xaiv tus neeg raug foob ntawd los tuav txoj haujlwm no seb puas raug xaiv raws kevcai. Yog hais tias SEIU Hauv Zos No 2015 ib tug thawj coj raug tshem tawm los ntawm tus kws txiav txim lossis raug ywv, nws lub rooj yuav rov qab qhib ces mam li rov nrhiav dua tus tshiab raws li Nqe Lus IX, Koog G., Txoj haujlwm qhib tsis muaj neeg tuav lawm.

Yog hais tias cov lus foob no hais los mus xaus lawm, yuav muab lawb tib yam nkaus thiab tus neeg uas raug foob yuav rov qab rau nws cov cai li ib tug tswv cuab qub lossis li ib tug thawj coj nyob rau Hauv Zos No 2015.

E. Sau Txoj Kev Txiaiv Txim

Tus kws txiav txim yuav tsum tau sau ib daim ntawv txog ntawm nws txoj kev txiav txim thiab yuav tsum coj mus cob kiag rau lossis xa hauv pais xabnis certified mus rau tus neeg foob thiab rau tus neeg raug foob.

F. Tawm Tsam Kev Txiaiv Txim

Yog hais tias cov lus foob no hais mus tsis xaus los yog swb lawm, tus neeg uas raug foob yeej tawm tsam tau txoj kev txiav txim los ntawm Pab Pawg Thawj Coj. Qhov tawm tsam txoj kev txiav txim no yuav tsum muab sau thiab ntaus thwj xa hauv pais xabnis lossis coj mus cob kiag

ntawm tes rau tus Pajtha lub hoobkhas ua ntej kaum tsib (15) hnuv ntawm hnuv txiav txim. Qhov kev txiav txim kawg kiag ntawm Pab Pawg Thawj Coj ntawm cov teeb meem zoo li no tawm tsam tau mus rau lub Koomhaum Ntiaj Teb raws li teev tseg rau hauv Nqe Lus XVII ntawm SEIU.

G. Tsis Pub Ua Pauj

SEIU Hauv Zos No 2015 txhawb siab rau tag nrho cov tswv cuab los mus pab tiv thaiv txoj kev ruaj ntseg ntawm Txoj Kevcai Tswj thiab Cov Kevcai Siv Rau Koomhaum no thiab tag nrho cov cai uas li muaj rau ntawm tag nrho cov tswv cuab nyob rau hauv no. Los hais kawg no, SEIU Hauv Zos No 2015 txwv tsis pub sib ua pauj cov neeg uas raug tiv thaiv thiab cov tswv cuab rau:

1. yeej muaj kev tsis txaus siab tiag, coj mus qhia lossis mus ua li Nqe Lus XII ntawm Mus Sib Hais Plaub Ntug & Txoj Kev Yuav Los Mus Tawm Tsam Kev Txiaiv Txim;
2. tawm tsam txhua yam uas txwv los ntawm Txoj Kevcai Tswj thiab Cov Kevcai Siv Rau Koomhaum no;
3. koom tes nrog tus kws txiav txim plaub ntug nyob nruab nrab nws txoj kev xwj qhov teeb meem raws li hauv qab Nqe Lus XII ntawm Mus Sib Hais Plaub Ntug & Txoj Kev Yuav Los Mus Tawm Tsam Kev Txiaiv Txim los ntawm muab tau pov thawj, lus teev lossis lwm yam kev paub; lossis
4. muaj kev koom tes nrog los mus siv qhov kev ua raws li tau teev tseg rau ntawm Nqe Lus XII ntawm Mus Sib Hais Plaub Ntug & Txoj Kev Yuav Los Mus Tawm Tsam Kev Txiaiv Txim

H. Tsis Txaus Siab Yam Twb Tsis Muaj Tseeb.

SEIU Hauv Zos No 2015 yeej tseg ib txoj cai rau lawv, nyob ntawm seb muaj pom li cas, xwj thiab txheej txheem cai sib hais raws li tau tsim tsa nyob rau Koog A mus txog F ntawm Nqe Lus no, los mus nrog kho teeb meem, thiab tshem tawm ntawm ib pab pawg tus neeg uas lam iab liam, txhob txwm dag, lossis tsim cov teeb meem tsis txaus siab no mus thab plaub, hais txog lossis mus ua rau ib tug tswv cuab hauv lub Koomhaum.

I. Pom Zoo Tsis Mus Hais Ntxiv Lawm

Nyob ntawm seb txoj cai los mus saib xyuas cov kevcai lij choj pom li cas, txhua tus tswv cuab, Thawj Coj thiab Pab Pawg Thawj Coj uas tau raug foob los ntawm lwm tus neeg thiab twb pua txim tag rau lawm, lossis tus uas muaj ib txoj kev ntsawv siab, lus hais lossis lus tsis txaus siab rau SEIU Hauv Zos No 2015 lossis ib tug thawj coj twg lossis Pab Pawg Thawj Coj, twb tau pom zoo lawm ib tug tswv cuab, muab hais kom tag rau hauv no xwb raws Txoj Kevcai Tswj Ntiaj Teb thiab Cov Kevcai Siv Rau Koomhaum thiab Txoj Kevcai Tswj thiab Cov Kevcai Siv Rau Koomhaum no, thiab twb yeej tau pom zoo lawm hais tias yuav tsis mus foob lossis ua li cas ntxiv lawm rau hauv lwm lub tsev hais plaub, hais plaub ntug ntawm yus cov neeg lossis lwm lub tuam txhab txog ntua thaum ua hais tag rau hauv no lawm tsis tshuav dab tsi hais ntxiv lawm.

NQE LUS – Muab Kaw

Lub Koomhaum no muab kaw tsis tau, lwm tus los khiav lossis tshem tus kheej tawm yog hais tias muaj xya (7) tus tswv cuab uas tsis pom zoo. Yog hais tias thaum twg tshem tawm, tsis muaj lawm lossis plam lawm, tag nrho cov vaj tse, nyiaj txiag thiab khoom muaj nqis, ob qho tib si cov tseeb thiab ntiag tug, ntawm lub Koomhaum no yuav los mus ua lub Koomhaum Ntiaj Teb li tag nrho. Lub Koomhaum Ntiaj Teb yuav txais ntaub ntawv hauv pais xabnis certified qhia txog cov rooj sibtham ntawm lub Koomhaum no tham txog pov npav los kaw, tshem tawm, los mus xaus, lossis tso plam mus ntawm lub Koomhaum Ntiaj teb ua ntej 60 hnuv uas teem lub rooj sibtham, thiab ib tug neeg sawv cev rau lub Koomhaum Ntiaj Teb yuav muaj ib lub sijhawm tham tom lub rooj sibtham. Tus PajTha Ntiaj Teb mam li txiav txim seb puas yuav kom cov tswv cuab pov npav xaiv zais npog thaum lawv lub rooj sibtham thiab/lossis xa hauv pasi xabnis, thiab, yog ua tau, cov tswv cuab uas tsis pom zoo muaj cai hais lawv qhov tsis pom zoo. Cov npav nov yuav cia rau ib tug neeg sab nrauv nyob nruab nrab ua tus suav. Txawm li cas los tsis pub lub Koomhaum no muab nws tej nyiaj txiag faib, khoom muaj nqis, lossis khoom uas yog cov tswv cuab li.

NQE LUS XIV – Txoj Kevcai Tswj Ntiaj Teb thiab Cov Kevcai Siv Rau Koomhaum

Txoj Kevcai Tswj thiab Cov Kevcai Siv Rau Koomhaum nyob rau hauv lub koomhaum no yeej nyob qab tswj hwm tas li ntawm Txoj Kevcai Tswj Ntiaj Teb thiab Cov Kevcai Siv Rau Koomhaum, li tau muab kho. Yog muaj teeb meem dab tsi los ntawm Txoj Kevcai Tswj thiab Cov Kevcai Siv Rau Koomhaum nyob rau hauv lub koomhaum no, lossis qhov uas tau muab kho lawm, thiab Txoj Kevcai Tswj Ntiaj Teb thiab Cov Kevcai Siv Rau Koomhaum, lossis qhov uas tau muab kho lawm, ces Kevcai Tswj Ntiaj Teb thiab Cov Kevcai Siv Rau Koomhaum yog qhov yuav los khoo.

Txoj Kevcai Tswj thiab Cov Kevcai Siv Rau Koomhaum no rau SEIU Hauv Zos No 2015, thiab txhua qhov uas tau muab kho lawm, muab xa mus rau tus PajTha Ntiaj Teb mam li yog tus tso cai, ces mam muab lis nrog lwm qhov xws li cov kevcai lij choj nyob teb chaws no, lub xeev lossis lwm cov kevcai lij choj. Tsis pub hloov kho Txoj Kevcai Tswj thiab cov kevcai no li tshwj tsis yog rau kev tso cai los ntawm SEIU tus PajTha Ntiaj Teb.

NQE LUS XV – Txoj Kev Coj & Txoj Kevcai Nyob Tsis Tau Ob Sab

Nrog rau Pab Pawg Thawj Coj Ntiaj Teb txiav txim los mus siv SEIU Cov Kev Coj & Txoj kevcai nyob tsis tau ob sab, thiab tuav SEIU txoj kev coj zoo thiab sib hwm raws li teev tseg rau ntawm Kevcai Tswj Ntiaj Teb thiab Cov Kevcai Siv Rau Koomhaum, SEIU cov Thawj coj, Pab Pawg thawj coj, cov saib xyuas haujlwm thiab cov neeg ua haujlwm tiv lawv nyiaj txiag dag zog rau lub koomhaum cov tswv cuab thiab txoj kev coj kom ncaj ncees tshaj plaws thaum txiav txim thiab thaum hais txog nyiaj txiag. Cov tswv cuab muaj cai nrog paub seb cov nyiaj muaj coj mus siv li cas thiab cov kev pab los li cas los. Yuav tsis zam tau tej yam uas ua tsis ncaj.

Thaum kawg no, tag nrho cov thawj coj, pab pawg thawj coj thiab cov neeg ua haujlwm rau SEIU Hauv Zos No 2015 yuav ua raws li SEIU Txoj Kev Coj & Txoj Kevcai Nyob Tsis Tau Ob Sab thiab yuav muaj muab hloov kho tej thaum. SEIU Txoj Kev Coj & Txoj Kevcai Nyob Tsis Tau Ob Sab yuav txuas hu ua Addendum B.

NQE LUS XVI – Txoj cai ntawm cov khoom ntiag ntug

Cov ntaub ntawv tswv ntawm tag nrho cov vaj tse, nyiaj, thiab lwm yam khoom muaj nqis uas yog lub Koomhaum no li, txhua lub sijhawm yuav tso rau Pab pawg thawj coj siv nrog rau cov tswv cuab nyob rau lub Koomhaum no, tab sis cov tswv cuab cais tawm tsis tau ib yam dab tsi li, vaj tse, nyiaj txiag, khoom uas yog lub Koomhaum li.

Cov tswv cuab hauv lub Koomhaum tsis muaj cai, ntaub ntawv ua tus tswv, lossis xav tau lossis cov vaj tse ntawm lub Koomhaum no, suav tib si lub Koomhaum no cov nyiaj txiag.

NQE LUS XVIIIV – Tiv thaiv kom lwm tus neeg lossis lub Koomhaum foob tsis tau yus

Thaum twg uas lub Koomhaum no raug foob kiag lawm lossis nws cov thawj coj lossis cov neeg ua haujlwm, nyiaj hauv lub Koomhaum no siv tau raws li txoj kevcai lij choj los mus pab them nqi, nrog rau nqi kws lij choj, nqi hauv tsev hais plaub thiab nqi mus xwj, los mus pab txheem plaub ntug. Thaum twg uas ib tug thawj coj lossis neeg ua haujlwm hauv lub Koomhaum no tau ua txhaum lawm, los ntawm txoj kev txiav txim, los mus siv kho lossis tham kom haum xeeb ib rooj plaub foob ib tug thawj coj lossis neeg ua haujlwm hais txog nws txoj kev ua haujlwm rau lub Koomhaum, cov nyiaj hauv lub Koomhaum no muab siv tau los mus rau txoj kev txiav txim, los mus kho lossis hais kom muaj kev haum xeeb raws li txoj kevcai lij choj tso cai.

NQE LUS XVIII – Tso Nyiaj Ua Lag Luam

Lub koomhaum no muaj cai tuav thiab saib xyuas cov thab nabkhas tso nyiaj npaum li nws xam pom zoo. Tus tuav nyiaj txiag ntiaj teb tej zaum yuav ntau dua los tau nyob thaum nws pom qhov twg zoo ua.

NQE LUS XIX – Nqe Lus Cawm

Thaum twg Txoj Kevcai Tswj thiab Cov kevcai siv rau Koomhaum no yuav tsum raug kho lossis hais tias siv tsis tau lawm lossis siv tsis tau tam li ib tug neeg siab tshaj nyob rau hauv tsoom fwm thiab lub tsev hais plaub, ces pab pawg thawj coj muaj cai nres tshem tawm txhua yam uas siv tsis tau nyob rau hauv lossis muab kho yuav kho zoo thiab siv tau xwb. Ntawm cov Nqe lus nyob rau hauv cov kevcai no, thaum twg muab kho tag lawm los tsoom fwm thiab tsev hais plaub tseem hais tias siv tsis tau thiab, ces yuav txij li qhov siv tau los xwb.

NQE LUS XX – Hloov Kho

A. Yuav Kho li cas

Txoj kevcai tswj thiab cov kevcai siv rau koomhaum no kho tau thaum cov coob pov npav pom zoo tom lub Koomhaum no lub koom txoos sibtham, lossis xa daim npav hauv pais xab nis, raws li pab pawg thawj coj pom zoo.

B. Hloov Kho tom lub Koom Txoos sibtham

Txhua tus tswv cuab li sawv daws uas nyob rau qhov zoo muaj cai tawm tswv yim seb lawv xav kho qhov twg rau pab pawg thawj coj tsis pub dhau (30) hnuv ua ntej lub koom txoos sibtham los txog. Pab pawg thawj coj muab tau cov tswv yim yuav hloov kho no los tham rau saum lub rooj sibtham lossis muab tso rau ib pab pawg twg saib thiab seb lawv pom zoo li cas. Pab pawg thawj coj yeej tawm tau tswv yim thiab seb lawv xav pom hloov li cas thiab muab qhia kiag rau

saum lub rooj sibtham rau sawv daws. Tus PajTha mam li txiav txim raws li Txoj Kevcai Tswj thiab cov kevcai siv rau Koomhaum pub nws ua li cas hais txog pov npav los xaiv.

C. Hloov Kho Pov Npav Xa Hauv Pais Xabnis

Pov npav hais txog hloov kho, nyob rau ntawm pab pawg thawj coj txoj kev xav xwb, yuav tsum tham sai sai ua ntej lub koom txoos sibtham yuav los tom ntej no, xa tau npav hauv pais xabnis mus. Tus PajTha mam li txiav txim raws li Txoj Kevcai Tswj thiab Cov kevcai Siv Rau Koomhaum pub nws ua tau li cas xwb hais txoj pov npav xaiv.

NQE LUS XXI - Cov Neeg Sawv Cev mus rau Lub Koom Txoos sibtham ntiaj teb thiab Lwm cov Neeg Sawv Cev.

A. Txiam txim xaiv cov neeg sawv cev

Tus Pajtha, Executive Loo Pajtha, Thawj Loo Pajtha, Loo Pajtha rau Sab teb Chaws, thiab Pab Pawg Thawj coj sawv cev rau ib Tshooj yuav yog cov, los ntawm lawv txoj kev raug xaiv los tuav Hauv Zos No 2015 cov haujlwm, cov raug xaiv no yuav sawv cev rau Lub Koom Txoos Sibtham Ntiaj teb.

Hauv Zos No 2015 muaj cai tuaj mus sawv cev rau lub Koom Txoos Sibtham Ntiaj Teb raws li tau muab laij tseg rau hauv lub Koomhaum no Txoj Kevcai Tswj Ntiaj Teb thiab Cov Kevcai Siv rau Koomhaum.

Thaum twg uas Hauv zos no 2015 tus lej sawv cev tsawg tshaj tus lej thawj coj lawm, ces peb yuav xa neeg mus sawv cev li no:

1. PajTha
2. Executive Loo PajTha
3. Thawj Loo Pajtha
4. Loo Pajtha rau Sab Teb Chaws rho npe thiab xa kom sib npaug zos thoob plaws tag nrho cov Sab Teb Chaws, raws li seb muaj pes tsawg leej neeg nyob rau ib sab teb chaws twg (thaum uas tus lej ntawm cov rooj xa neeg mus sawv cev tsawg tshaj cov rooj rau Loo pajtha rau sab teb chaws, thaum twg uas tus pajtha thiab Executive Loo Pajtha twb mus zaum lawv lub rooj sawv cev lawm.)
5. Pab Pawg Thawj Coj sawv cev rau ib tshooj rho npe thiab xa kom sib npaug zos thoob plaws tag nrho cov Sab Teb Chaws, raws li seb muaj pes tsawg leej neeg nyob rau ib sab teb chaws twg (thaum uas tus lej ntawm cov rooj xa neeg mus sawv cev tsawg tshaj cov rooj rau Pab Pawg Thawj Coj sawv cev rau ib tshooj, thaum twg uas tus pajtha thiab Executive Loo Pajtha, Thawj Loo PajTha, thiab Loo Pajtha rau sab teb chaws twb mus zaum lawv lub rooj sawv cev lawm.)

Thaum twg uas Hauv Zos No 2015 muaj cai xa neeg sawv cev tshaj cov thawj coj thiab cov sawv cev rau ib Tshooj twg lawm, ces pab pawg thawj coj mam li txiav txim seb yuav ntxiv pes tsawg tus neeg sawv cev thiab cov seem los rau sawv daws pov npav xaiv ntawm cov coob los ntawm cov tswv cuab uas nyob rau qhov zoo pov npav kom tsis muaj neeg pom lossis, lwm txoj kev, pab pawg thawj coj tej zaum yuav txiav txim hais tias cov thawj coj thiab cov sawv cev rau ib tshooj twg mam li tag nrho lub zog pov npav nyob rau Hauv Zos No 2015 muaj cai xa pes tsawg tus neeg sawv cev mus koom lub koom txoos sibtham ntiaj teb.

B. Lajj Seb Pov Npav rau Neeg Sawv Cev Muaj Zog Npaum li cas

Nyob rau tom lub Koom Txoos Sibtham Ntiaj Teb, qhov pov npav xaiv neeg sawv cev ntawd muaj zog npaum li cas sawv cev rau Hauv Zos No 2015 nyob ntawm seb tus lej ntawm ib tug neeg them se rau lub Koomhaum Ntiaj Teb yog npaum li cas, ces yeej raws li lawv txoj kevcai lawv ib txwm siv los mus laij lub zog pov npav.